



BIBLIOTHECA
UNIV. IACOB.
CRACOVENSIS

37606


Mag. St. Dr. P

6851

XXXXVIII $\frac{4}{9}$

68 $\frac{4}{13}$

BIBLIOTHECÆ
CONVENTUS
GRODNENSIS
ORDINIS
PRÆDICATORUM.


37606
I

1882.I. 46

Teol. 0485

K⁷³
18

CONSTITVTIONES
FRATRVM
CANONICORVM
REGULARIVM,

S. MARIAE

Demetri de Vrbe de Pænitentia
BEATORVM MARTYRVM.

SVB REGVLA
S ANCTI
AUGUSTINI,
Militantium.


Cum licentia Superiorum.

Anno Domini MDCCXXXI.



CRACOVIAE.

Typis Jacobi Mączyńskiego, S. R. M. Cellissimi, Illustrissimi, & Reverendissimi Domini Episcopi Crac. Ducis Sycyriae, Ordinarij Typogr.



Audi Præcepta quæ ego doceo te,
ut faciens ea vivas. *Deuter: 4:*

Veram requiem iucundamq; gu-
stabis si ejus qui eam promisit præce-
pta dilexeris. *S. Augustinus*

In Lege Domini gloriabitur.

Ecclesiastici 39.


Lex DEI Charitas est. Gratia
data est ut lex impleretur.

S. Augst: de Spir: & Lit:

Beati qui custodiunt & faciunt ju-
stitiam in omni tempore. *Psalm 105.*

Omnes virtutum species uno ju-
stitiæ nomine continentur. *S. Hieronimus;*

Hæc est voluntas DEI. Sanctifi-
catio vestra. *I. Thess: 4.*



EXHORTATIO

REVERENDISSIMI
PATRIS GENERALIS

in Capitulo suo Generali Cracoviæ celebrato :

ad Fratres sui Ordinis.

Anno Domini MDCVIII. ipso
Die S. MICHAELIS ARCHANGELI.

Pontificatus Sanctissimi Domini

D. N. P A V L I

Divina Providentia PAPÆ V. Anno IV.



Um Religionum omnium
anima quædam & vita sit legum ob-
servatio & disciplina, Eratres mani-
festum est, quam sollicitos esse opor-
teat omnes Religiosos, ut Majorum suorum In-
stituta Sanctissima, quæ semel amplexi sunt, &
ea se servaturos SACRAMENTO se obstrinxe-
violata semper omni ex parte conserven-

tur. Dici enim vix potest quam facile homo etiam bene iam virtutibus instructus, à semel suscepto austerioris vitæ instituto desciscat, & eo sensim redeat, ut nihil præter habitum Religionis in eo agnoscas. Facit id tum virtutis ipsius difficultas, tum mali dæmonis omnium bonorum hostis improbitas, tum pravarum cupiditatum ut perpetuo eradices, perpetuo repullulantium uberrima seges, tum Corporis nostri cui ad indulgendum proni sumus langvor, tum exempla qua domesticorum, qua extraneorum improba, tum denique frequens & incauta cum profanis & vanis hominibus consuetudo, ut vere illud dictum sit ab AUGUSTINO: Nusquam meliores esse homines, quam in mundo, ubi in perfectum incubuerint, & nusquam deteriores, quam in Claustro ubi deficere inceperint. Hinc enim paulatim in Religiosorum Domos, licentia, dissolutio, proprietas, inobedientia; aliaq; gravissima flagitia, ac tandem Apostasia ac Hæresis irrumpunt, sic ut vel ipsi talia domicilia suis moribus inimica tandem deterant, vel ea in popinas, cauponas, & lustra convertant. Vtinam vero
nihil

nihil horum ad nostrum quoque Ordinem per-
venisse gloriari nobis liceret; ut utse reliqua ha-
beant: illud mihi ingenuè, & cum bona vestra
venia fatendum est, non eum iam esse Ordinis
Nostri splendorem qui olim fuit, non tam in-
Cænobijs Fratrum frequentiam, non ea in sin-
gulis doctrinæ ac pietatis ornamenta, non eam
Claustralis disciplinæ observantiam, non eam de-
nique apud homines commendationem. Licet
voluimus; ad paucos redacti sumus; Monaste-
ria, quædam penitus amisimus; quædam ægre
pauculis Fratribus in speciem ea occupantibus
retinemus. Deploranda sunt hæc nimium; sed
non minus illa, quæ in vita & moribus nostris, si
ad leges nostras examinarentur reperiremus. Sa-
nè nimium timeo, ne multa istinc existant: ob
quæ DEVS Iudex æquissimus meritas à nobis
ingratitude & promissi non præstiti pænas exi-
gere posset, Illud in his miserijs solatium est,
quod corrigere ea quæ vitiosa sunt, id quod
nunc aggredimur nobis integrum est. Cui rei
ut nemo obstrepere audeat, sed communis ac
privati boni studio ductus, qua sibi qua Religi-

oni consulere in animum inducat, serio omnes
in Domino monemus hortamur, ac precamur,
illudq; aureum Divi Bernardi dictum in animis
omnium esse cupimus: Si quid (inquit ille) in
Religione ordinatur, quicumq; resistit, quicun-
que repugnat, plane cum Aegyptijs Isràelitici-
germinis parvulos necare conatur: imo cum He-
rode nascentem prosequitur Salvatorem. Et vero
si nos D E O data fides & judicij severi timor
parum moveat; pudore saltem hominum de-
beret, qui reliquas penè omnes Religiosorum,
virorum familias, ad pristinum suum vigorem
& florem, vel iam redijisse, vel conniti conspi-
catur. Nos porro soli tam desides & abiecto
animo erimus, quibus veternus & tenebræ ac
fordes placeant? Veniant in mentem Sanctissi-
mi Majores Nostri, quales vero eos fuisse pute-
mus; quibus tot ampla, & splendida Tempia,
tot opulenta Monasteria constructa, tanti cen-
sus & proventus annui attributi: ut cum amplis-
sima qualibet alia in hoc Regno Religiosorum
familia, rebus omnibus certare potuerint. Ac
ne quis fortè vestrum in rebus domesticis cogni-
tione

tionē dignissimis peregrinus existat, quoniam in hunc locum incidi, recensebo paucis, ubi, quando, & à quibus viris pleraque domicilia in hoc Regno Nobis erecta sint & attributa, quæ res id etiam in nobis efficient, ut Nostrium Ordinem, & leges ejus magis deinceps quam fortè hujusq; fecimus æstimare incipiamus. Postquam igitur Ordo Noster inspirante DEO Optimo Maximo ab ALEXANDRO IV. Romano Pontifice, ut Annales Mathæi à Micchow Canonici Cracoviensis, Cap. 54. lib. 3. testantur institutus est, incessit cupiditas, Serenissimum & pientissimum Principem BOLESLAVM Pudicum Cracoviensis & Sandomiriensis Terrarum Ducem, ex Civitate Pragensi propositus amplis & opulentis foundationibus homines nostræ familiæ ex Italia evocare, id quod consensu Summæ Sedis est impetratum. Anno Domini 1257. Quo quidem Anno pridie Calend: Februarij hora tertiarum grandem terræ motum fuisse, idem author est, ita ut necesse haberet Princeps post ruinas Crac: novam Vniversæ Civitati formam imponere, & plateas in meliorem Ordinem redigere. Quo tempore nostra primum Religio (quam Cruciferorum, & Canonicorum Regularium, & S. Mariæ Demetri de Vrbe de Pænitentia Beatorum Martyrum sub Regula S. AVGVSTINI militantiū vocant) per ALEXANDRVM IV. Papā instituta est. Ejusq; Fratribus BOLESLAVS Pudicus Ecclesiam Sancti MARCI Evangelistæ Cracoviæ fundavit, sumptumq; simul cum loco pro ædificatione Ecclesiæ & Monasterij assignavit. Tandem vero secutæ sunt

confirmationes ejusdem Ordinis, quarum Diplomata hic sunt inserta. Anno Domini 1295. à BONIFACIO VIII. Calendas Ianuarij in dictione Nona. Pontificatus illius Anno Primo Deinde ab ALEXANDRO VI. Anno D. 1497. Duodecimo Calendas Iulij. Pontificatus illius A. quinto. Demum à IVLIO II. Anno Incarnationis Dominicæ 1307. Quinto Calendas Junij. Pontificatus illius, Anno Quarto. &c. Brevi vero Ordo hic Fratrum nostrorum laboribus maxima incrementa cæpit habere. Nam mox per Poloniam & Lithvaniam Monasteria quæ sequuntur sunt erecta.

I. Monasterium Sancti MARCI Evangelistæ Craci per BOLESLAVM Pudicum fundatum. Anno Millesimo Ducentesimo Quinquagesimo Septimo.

II. Ecclesia & Monasterium Sanctæ MARGARETÆ in Libichova fundata. Anno Domini. 1282.

III. Ecclesia & Monasterium S. Mariæ MAGDALENÆ in Mulsina. A. D. Millesimo Quadragesimo fundata, per *Serenissimū* Regem Poloniæ CASIMIRVM.

IV. Monasterium in Monte Tagoborza S. ISIDORI Confessoris fundata. Anno Dñi. Millesimo Quadragesimo per Nobilem Dominum Habdi de Rostein.

V. Ecclesia & Monasterium S. NICOLAI in Limanowa fundata. A. D. 1528. per *Magnificum Dominum* ACHACIVM IORDAN.

VI. Ecclesia & Monasterium in Dubno N. tum eius filia Ecclesia Hertlow: ac in Knurow & Slachinberk Diocesi Craci Pontificatus olim *Sanctissimi* Domin D. BONIFACII IX. Anno ipsius Vndecimo.


VII. Ecclesia & Monasterium Sanctæ CRVCIS in Bystrzycá in Magno D. Lithvaniæ fundata Anno Dñi. 139. per *Serenissimum* VLADISLAVM IAGIELONEM Regem Poloniae, &c. Diæces. Vilnen:

VIII. Ecclesia & Monasterium SS. TRINITATIS in Oppido Regali Miedniki Diæces. Vilne: fundata etiam per *Serenissimum* VLADISLAVM Regem A. D. 1391.

IX. Ecclesia & Monasterium *Sanctissima* TRINITATIS in Thwerec Diæces. Vilnen: fundata per Nobilem NICOLAVM quondam Filium Nobilis GEORGII WAZGLOWIC. A. D. 1501. Inditione quarta die vero Saturni Vigesima Quarta Mensis Iulij. Pontificatus *Sanctissimi Domini* D. ALEXANDRI Divina Providentia... PAPÆ VI. Anno ipsius Nono. Sunt & alia Monasteria in diversis partibus mundi Nostri Ordinis,

QVorum tot Monasteriorum, vix iam paucula, (dolendum) supersunt vitio nostro, si bene rem expendamus. Si enim nos Maiorum Nostrorum vestigijs insistentes, Statuta Nostra cum disciplinæ rigore servaremus, dubio procul & DEI idem auxilium ac benedictionem, quam maiores nostri hac in parte experti sunt, experiremur; & homines ob Sanctâ vitam & conversationem nostram visam, melius ut fieri solet de nobis sentientes, tum ad nostrum cætum sese frequentes adiungerent, tûm suis operibus nos magis augerent non vero nostris ut iam fit manûs admoverent, quorum utrumque fieri videmus in aliis Ordinibus qui suarum Regularum obser-

observantiores existimātur. Respiciamus ergo Nos quoque tandem aliquando nosipfos, & à veterno quo tam diu oppressi iacuimus excitemur, occasionemq; ad hoc accomodatissimam divino munere nobis oblatam, obvijs ut aiunt ulnis amplectamur. En auspicijs sanctissimi Domini Nostri PAVLI PAPÆ V. Cura item ac studio *Illustrissimi Domini* D. FRANCISCI SIMONETÆ, Episcopi Fulginatensis &c. Nuncij Apostolici ad id excitamur & urgemur, ne desimus nobis, ne amplius fabula & probrum hominum esse velimus: Sed conjunctis animis & judicijs, id cujus gratia huc convenimus perficiamus. Quod quidem si fecerimus inprimis conscientijs nostris misere ob hanc remissam vivendi rationem, inquietis & gravatis, magnam tranquillitatem & solatiū afferemus. Deinde fundatorum ac benefactorum nostrorum (qui nobis tanquā ueris DEI servis, & idoneis, pro suis peccatis, deprecatoribus tam multa contulerunt) expectationi respondebimus: Denique Ordinem celeberrimum nostrum, Majoresque nostros clarissimos ac Sanctissimos per nos degeneres non parum obscuratos in lucem & splendorem pristinum revocabimus. Id quod ut DEVS Optimus Maximus bonorum omnium Author, qui cœpit idem pro sua clementia perficere dignetur, ferventissimis ab eo precibus postulemus.





INCIPIT REGULA
S A N C T I
AUGUSTINI
E P I S C O P I.

De Charitate DEI & proximi.

C A P I T V L V M I.

ANte omnia Fratres Charissimi diligatur DE-
VS deinde proximus quia ista duo Præce-
pta sunt principaliter nobis data. Hæc
igitur sunt, quæ ut observetis præcipimus.
In Monasterio Constituti. Primum propter
quod in unum estis Congregati, ut unanimes habitetis
in domo Domini: & sit vobis anima una & cor unum in
DEO, & non dicatis aliquid proprium, sed sint vobis
omnia Communia, & distribuatur unicuiq; vestrum à
Præposito vestro victus & tegumentum: Non æqualiter
omnibus; quia non æqualiter valetis omnes, sed potius
unicuique sicut cuique opus fuerit. Sic enim legitis in
Actibus

Actibus Apostolorum. Quia erant illis omnia Communia, & distribuebatur unicuique; sicut cuique; opus erat.

Qui aliquid habebant in sæculo, quando ingressi sunt Monasterium, libenter velint illud esse Commune. Qui autem non habebant, non ea quærant in Monasterio, quæ nec foris habuere; sed tamen eorum infirmitati quod opus est tribuatur, etiã si paupertas illorũ talis erat quando foris erant, ut nec ipsa necessaria poterant invenire. Tamen non ideo se putent esse felices quia invenerunt victum & tegumentum, quale foris invenire non poterant.

De Humilitate.

CAPITVLVM II.

Nequè erigant cervicem, quia sociantur eis ad quos foris accedere non audebant; sed sursum cor habent, & terrena ac vana non quærant. Ne incipiant esse Monasteria divitibus utilia, non pauperibus, si divites illic humiliantur, & pauperes illic inflantur. Rursus etiam illi qui aliquid esse videbantur in sæculo, non habeant fastidio fratres suos; qui ad illam Sanctam Societatem ex paupertate venerunt. Magis autem studeant non de parentum divitum dignitate; sed de pauperum Fratrum Societate gloriari. Nec extollantur si Communi vitæ aliquid de suis facultatibus contulerint: nec de suis divitijs magis superbiant, quia eas Monasterio partiuntur, quam si eis in sæculo fruerentur. Alia quippe quæcunq; iniquitas in malis operibus exercetur ut fiant: Su-

Superbia vero bonis operibus insidiatur ut pereant. Et quid prodest dispergendo dare pauperibus, & pauperem fieri cum anima misera superbior efficitur divitiis. contemnendo quam fuerat possidendo. Omnes ergo unanimiter & concorditer vivite, & honorate in vobis DEVM invicem, cuius Tempia facti estis.

De Oratione & Jeiunio.

CAPITVLVM III.

ORationibus instate, horis & temporibus constitutis. In Oratorio nihil aliud agatur, nisi ad quod factum est, unde & nomē accepit: & si forte aliqui præter horas constitutas, si eis vacat orare voluerint; non eis sint impedimento, qui ibi aliquid agendum putaverint. Psalmis & Hymnis cum Oratis DEVM, hoc versetur in corde, quod profertur in voce. Et nolite cantare nisi quod legitis esse cantandum, Quod autem non ita scriptum est ut cantetur non cantetur. Carnem vestram domate ieiunijs, abstinentia alca, & potus quantum valetudo permittit. Quando autem aliquis non potest jejunare; non tamen extra horam prandii aliquid alimentorum sumat, nisi cum ægrotat.

De Refectione utriusq; hominis.

CAPITVLVM IV.

Cvm acceditis ad mensam, donec inde surgatis, quod

vobis secundum consuetudinem legitur; sine tumultu & contentionibus audite: ne solæ vobis fauces sumant cibum; sed & aures esuriant DEI Verbum. Qui infirmi sunt ex pristina consuetudine, si aliter tractantur in victu Non debet aliis molestum esse, nec injustum videri eis, quos fecit aliqua consuetudo fortiores, nec illos feliciores putent, quia sumunt, id quod non sumunt ipsi; sed sibi potius gratulentur, quia valent, quod non valent illi. Et si eis qui venerunt ex moribus delicatioribus ad Monasterium aliquid alimentorum, vestimentorum, operimentorum datur quod alijs fortioribus, & ideo felicioribus non datur; Cogitare debent quibus non datur, quantum de sua sæculari, vita illi ad istam descenderint, quamvis usq; ad aliorum qui sunt corpore firmiores frugalitatem pervenire nequiverint, nec debent velle omnes quod paucos viderint amplius; non quia honorantur, sed quia tolerantur accipere, ne contingat detestanda perversitas, ut in Monasterio ubi quantum possunt, sunt divites laboriosi, fiant pauperes delicati.

De Infirmis.

CAPITVLVM V.

Sané quemadmodum ægrotantes necesse habent minus accipere ne graventur: ita & post ægritudinem sic tractandi sunt, ut citius recreentur, etiamsi de humillima sæculi paupertate venerint: quanquam hoc illis contulerit recentior ægritudo, quod divitibus anterior consuetudo.

tudo. Sed cum vires pristinas recuperaverint, redeant ad feliciorē consuetudinē: Quæ famulos DEI tanto amplius decet, quanto minus indigent, nec cibi eos teneat voluptas iam vegetatos, quos necessitas levat infirmos. Illos astringunt ditiores, qui in sustinenda paucitate fuerint fortiores. Melius est enim minus egere, quam plus habere.

De Habitu exteriori & interiori.

CAPITVLVM VI.

NON sit notabilis habitus vester, nec affectetis vestibus placere; sed moribus: Quando proceditis simul ambulate. Cum veneritis quo itis; simul state. In incessu, statu, habitu, in omnib⁹ motibus vestris nihil fiat, quod cuiusquam ostendat aspectum; sed quod vestram deceat Sanctitatem. Oculi vestri & si iaciantur in aliquam fœminarum, in nullam figantur. Neque enim quando proceditis, fœminas videre prohibemini; sed appetere, aut ab ipsis apperi velle, criminolum est. Nec solo tacto, affectu; sed affectu & aspectu quoq; appetitur, & appetit concupiscentia fœminarū. Nec dicatis vos habere animos pudicos, si habeatis oculos impudicos: quia impudicus oculus, impudici cordis est nuncius. Et cum se invicem sibi met etiam tacente lingua conspectu mutuo corda nunciant impudica, & secundum concupiscentiam carnis alterutro delectantur ardore, etiam

intactis ab immunda violatione corporibus, fugit ipsa-
castitas de moribus. Nec putare debet, qui in fæminam
figit oculum, & illius in seipsum dirigit fixum, ab aliis se
non videri, videtur omnino, & à quibus se videri-
non arbitratur, sed etsi lateat, ut à nemine hominum
videatur; quid faciet de illo desuper inspectore, quem
latere nihil potest. An ideo putandus est non videre,
quia tanto videt patientius, quanto sapientius? Illi-
ergo Vir Sanctus timeat displicere, ne velit fæminæ ma-
le placere. Illum cogitet omnia videre, ne velit fæmi-
næ male videri. Illius namq; & in hac causa commen-
datus est timor, ubi scriptum est; Abominatio est Do-
mino defigens oculum. Quando ergo simul estis in-
Ecclesia, & ubicunq;, fæminæ sunt invicem, vestram
pudicitiam custodite: DEVS enim qui habitat in vobis,
etiam custodiet vos ex vobis.

De Correctione Fratrum.

CAPITVLVM VII.

ET si hanc de qua loquor oculi petulantium in aliquo
vestrum animadverteritis: statim admonere, ne cæ-
pta progrediatur; sed de proximo corrigatur. Si autem
& post admonitionem iterum, vel alio quocunq; die id
ipsum eum facere videritis, iam velut vulneratum sanan-
dum prodatur, quicunq; hoc poterit invenire. Prius ta-
men est alteri vel tertio demonstrandum, ut duorum-
vel

vel trium possit ore convinci, & competenti severitate
coerceri. Nec vos judicetis esse malavolos, quando
hoc indicatis: Magis quippe innocentes non estis,
si fratres vestros, quos judicando corrigere potestis, ta-
cendo perire permittitis. Si enim frater tuus vulnus
habet in corpore; quod velit occultari, dum timet,
secari: nonne crudeliter à te sileretur; & misericordi-
ter indicaretur? tanto ergo potius debes manifestare,
ne deterius putrescat in corde. Sed antequam alijs de-
monstretur, per quos convincendus est, si negaverit;
prius Præposito debet ostendi (si admonitus neglexerit
corrigi) ne forte secretius correctus possit non innotes-
cere cæteris. Si autem negaverit, tunc neganti adhi-
bendi sunt alij etiã testes ut coram omnib⁹ possit non ab
uno teste argui; sed à duobus vel tribus convinci. Con-
victus vero secundum Præpositi vel Presbyteri ad cuius
dispensationem perrinet arbitrium, debet emendatori-
am subire vindictam: quam si ferre recusaverit, etiam
si ipse non abscesserit, de vestra Societate projiciatur.
Non enim & hoc fit crudeliter; sed misericorditer: ne
contagione pestifera plurimos perdat. Et hoc quod dixi
de oculo non figendo; etiam in cæteris inveniendis, pro-
hibendis, indicandis, convincendis, judicandisque pec-
catis diligenter & fideliter observetur, cum dilectione
hominum, & odio vitorum. Quicumque autem in-
tantum progressus fuerit malum, ut occultè ab aliquo
literas; vel quodlibet munus acceperit: Si hoc ultro
confitetur, parcatur illi, & oretur pro eo. Si autem de-
prehen-

prehenditur atque vincitur: Secundum arbitrium.
Presbyteri; vel Præpositi *gravius* emendetur.

De Communi rerum Custodia.

CAPITVLVM VIII.

VEstes vestras in unum habeatis sub uno custode vel duobus, vel quod sufficere potuerint ad eas excutiendas, ne à tinea lædantur. Et sicut pascimini ex uno celario; sic induamini ex uno vestiario. Et si fieri potest: non ad vos pertineat, quod vobis indumentum, pro temporum congruentia proferatur; utrum hoc recipiat unusquisque quod deposuerat; an aliud quod alter habuerat? dum tamen unicuique prout cuique opus est non negetur. Si autem hinc inter vos contentiones & murmura oriuntur, cum conqueritur aliquis deterius se accepisse, quam prius habuerat; & indignum se esse quod non ita vestiatur, sicut alius frater vestiebatur: hinc vos probate, quantum vobis desit in illo interiori Sancto habitu cordis, qui pro habitu corporis litigatis. Tamen si vestra toleratur infirmitas, ut hoc recipiatis, quod deposueratis: in uno tamen loco, sub Communibus custodibus habete quod ponitis. Ita sane ut nullus sibi aliquid operetur: Sed omnia vestra in unum fiant, maiori studio, & frequentiori alacritate, quam si vobis singuli feceritis propria. Charitas enim de qua scriptum est. quod non quærit quæ sua sunt, sic intelligi-

telligitur, quia communia proprijs, non autē propria communibus anteponi. Et ideo quanto amplius rem communem quam propria vestra curaveritis, tanto vos amplius proficere noveritis: ut in omnibus, quibus utitur transitoria necessitas superemineat, quæ permanet charitas. Consequens ergo est, ut cum quis filijs suis, aut aliqua necessitudine ad se pertinentibus, in Monasterio constitutis aliquam contulerit vestem, sive quodlibet aliud inter necessaria deputandum: non occultè recipiatur; Sed sit in potestate Præpositi, ut in rem Communionem redactum cui necesse fuerit præbeatur. Quodsi aliquis rem sibi collatā celaverit: furti iudicio condemnetur.

De Munditia Corporū & Vestium.

CAPITVLVM IX.

Indumenta vestra secundum arbitrium Præpositi laventur, sive à vobis, sive à fullonibus; ne interiores animæ sordes contrahat mundæ vestis nimius appetitus. Lavacrum etiam corporis, cum infirmitatis necessitas cogit, minime denegetur, fiat sine murmure de consilio medici: Vt etiamsi nolit, iubente Præposito faciat, quod faciendum est pro salute. Si autem velit, & forte non expedit suæ cupiditati non obediatur. Aliquando enim etiamsi noceat, prodesse creditur quod delectat. Deniq; si latens est dolor in corpore famulo DEI, dicenti, quid sibi doleat, sine dubitatione credatur. Sed

ramen utrum sanando illi dolori, quod detestat expediat. Si non est certum, medicus consulatur. Nec eant ad balnea, sive quocunque ire necesse fuerit minus quam duo vel tres: & ille qui habet aliquo cundi necessitatē, cum quibus Præpositus iusserit ire debet. Ægrotantium cura sive post ægritudinem reficiendorum, sive aliqua imbecillitate, etiam sive febribus laborantium, uni alicui debet iniungi, ut ipse de cellario petat, quod cuiq; opus esse perspexerit. Sive autem qui cellario, sive qui vestibus, sive qui codicibus præponuntur, sine murmure serviant fratribus suis. Codices certa hora singulis diebus petantur: extra horam qui petierit non accipiat. Vestimenta verò & calceamenta, quando indigentibus fuerint necessaria, dare non differant, sub quorum custodia sunt, quæ poscuntur. Lites autem nullas habeatis, aut quàm celerrime finiatis, ne ira crescant in odium & trabem faciat de festuca, & animam faciat homicidam. Sic enim legitis: Qui odit fratrem suum, homicida est.

*De Venia postulanda & offensa
remittenda.*

CAPITVLVM X.

Quicumque ergo convicio, vel maledicto, vel etiam criminis objectu aliquem læserit, meminerit satisfactione quàm citius curare quod fecit, & ille qui læsus est,
sine

sine disceptatione dimittere. Si autem invicem se laxerint, invicem sibi debita relaxare debebunt; propter orationes vestras, quas utique quanto crebriores habetis, tanto sanctiores habere debetis. Melior est enim qui quamvis ira sapè tentatur, tamen impetrare testinat, ut sibi dimittatur, cui se fecisse agnoscit injuriam, quam qui tardius irascitur, & ad veniam petendam tardius inclinatur. Qui autem nunquam vult petere veniam, aut non ex animo petit, sine causa est in Monasterio, etiamsi inde non proijciatur. Proinde vobis à verbis durioribus parcite, quæ si emissæ fuerint ex ore vestro, non pigeat ex ipso ore proferre medicamenta, unde facta sunt vulnera. Quando autem necessitas disciplinæ in moribus coercendis, dicere vos dura verba compellit, etiamsi ipsi vos modum excessisse sentitis, non à vobis exigitur, ut vobis à subditis veniam postuletis, ne apud eos, quos oportet esse subiectos, dum nimium servatur humilitas, regendi frangatur autoritas. Sed tamen petenda est, venia ab omnium Domino, qui novit eos, quos plus iusto fortè corripitis, quantà benvolentia diligatis. Non autem carnalis, sed spiritalis inter vos debet esse dilectio.

De Obedientia.

CAPITVLVM XI.

PRæposito tanquam Patri obediatur: multò magis Presbytero, qui omnium vestrum curam gerit. Vt ergo

cuncta ista seruentur, & si quid servatum fuerit, non negligēter prætereatur, sed ut emendandum corrigēdumve curetur: ad Præpositum præcipuè pertinebit, ut ad Presbyterum (cujus est apud vos major authoritas) referat, quod modum vel vires ejus excedit. Ipse verò qui vobis præest, non se existimet potestate dominante, sed charitate serviente felicem. Honore coram vobis Prælatus sit, timore coram DEO substratus sit pedibus vestris. Circa omnes seipsum bonorum operum præbeat exemplum. Corripiat inquietos, consoletur pusillanimes, sustineat infirmos, patiens sit ad omnes, Disciplinam libens habeat, metuendus imponat, & quamvis utrumque sit necessarium, tamen à vobis plus amari appetat, quam timeri, semper cogitans DEO se pro vobis redditurum rationem. Unde vos magis obediendo, non solum vestri, sed etiam ipsius miseremini, qui inter vos quanto in loco superiori, tantò in periculo majori versatur. Decet Dominus, ut observetis hæc omnia, tanquam spiritualis pulchritudinis amatores, & bono Christi odore de bona conversatione fragrantēs, non sicut servi sub lege, sed sicut liberi, sub gratia constituti.

De Iugi meditatione Regula.

CAPITVLVM XII.

VT autem vos in libello hoc, tanquam in speculo positis inspicere, ne per oblivionem aliquid negligatis: semel


semel in septimana vobis legatur: & ubi vos inveneritis
ea, quæ scripta sunt, facientes, agite gratias Domino
bonorum omnium largitori: ubi autem sibi quicunque
vestrūm viderit aliquid deesse, doleat de præterito,
caveat de futuro orans, ut sibi debitum dimit-
tatur, & in tentationem non inducatur.



I N C I P I V N T
CONSTITVTIONES,
Fratrū Canoniorum Regularium
S. MARIAE Demetri de Vrbe sub
Regula S. AVGVSTINI de Pæ-
nitentia Beat: Martyrum.

QVoniam ex præcepto Regulæ iubemur ha-
bere cor unum & animam unam in Domino: iu-
stum est, qui sub una Regula & unius professionis voto
vivimus, uniformes & in observācia Canonica Religionis
inveniamur: quia unitatem quæ interior servanda est in
cordibus fovet & repræsentat uniformitas exterior ser-
vata in moribus. Quod profecto eo competentius &
plenius poterit observari, si ea quæ agenda sunt scripto
fuerint commendata: si in omnibus qualiter sit viven-
dum scriptura teste innotescat. Sed immutare, vel ad-
Bj mus.

dere, vel minuere nulli quidquā propria virtute liceat; ne si minima negligimus paulatim ad maiora defleamus. Ad hoc tantum in suo Conventu Prælatus dispensandi cum fratribus habeat potestatem, cum sibi alioquin videbitur expedire: præcipuē in his, quæ studium vel prædicationem, vel animarum fructum videbuntur impedire, Cum Ordo noster specialiter ad Parochias, & animarum Salutem ab initio noscatur institutus fuisse, & studium nostrum debeat ad hoc principaliter tendere, ut proximorum animabus possimus utiles esse, maxime cum animarum cura nostro Ordini sit annexa. Priores etiam utantur dispensationibus, sicut alij Fratres. Ut ergo unitati & paci totius Ordinis provideamus: Volumus & declaramus, ut Constitutiones nostræ non obligent nos ad culpam, sed ad pœnam, nisi propter præceptum vel contemptum, & ut multitudo Constitutionū vitetur, prohibemus ne de cætero aliquid statuatur: nisi per duo Capitula continuo fuerit approbatum, & tunc in tertio Capitulo immediatè sequente potest confirmari, vel deleri, sive per Priores Provinciales, sive per Definidores, ubicunque illud Tertium Capitulum celebretur. Interpretationes autem Regulæ vel Constitutiones factæ à Generali Capitulo, non habeant vim Constitutionum, nisi per Tria Capitula approbentur. **LIBRVM AVTEM ISTVM** diligenter conscripsimus, in quo tres Distinctiones annotavimus.



*Prima Distinctio Constitutionum
continebit.*

C A P I T V L A XVI.

Quorum Primum est.

De Officio in Ecclesia.

De Inclinationibus.

De Confessione.

De Communione.

De Suffragijs Mortuorum.

De Clausura Conventuum.

De Jejniis.

De Disciplina.

De Cibo.

De Collatione.

De Rasura.

De Lectis & Celis.

De

De Vestitu.

De Silentio

De Itinerantibus.

De Infirmis.

De Mortuis Fratribus.

Secunda Distinctio Constitutionum.

De Electionib9 nostri Ord: in genere.

De Forma celebrandi Capit: Generale.

De Electione Prioris Generalis.

De Officio Prioris Generalis.

De Solenni receptione Prioris Gener:

De Forma celebrandi Cap: Provinc:

De Electione Prioris Provincialis.

De Officio Prioris Provincialis.

De Electione Diffinitorum pro Capi.

tulo Generali, & eorum Officio.

De

De Officio & authoritate Visitátorum
& de modo visitandi.

De Electione Prioris Conventualis.

De Officio Prioris Conventualis.

De Officio Prædicatorum.

De Electione Subprioris.

De Officio Subprioris.

De Officio Sacristæ.

Tertia Distinctio Constitutionum.

De Officio Procuratoris Conventus.

De Studentibus.

De Elèémosina & quæstibus.

De Honestate servanda extra Mona-
sterium

De Domibus concedendis.

De Receptione ad Religionem.

De Novitijs & eorum instructione.
De Modo faciendi professionem.
De Laicis, & Conversis.
De Levi culpa.
De Gravi culpa.
De Graviori.
De Gravissima culpa.
De Falsificatoribus literarum.
De Apostatis.
De Capitulo quotidiano.

De Officio in Ecclesia.

CAPITVLVM I.

Audito primo signo surgant Fratres: ad secundum vero;
chorum intrent, & dicant matutinas de Beata MA-
RIA Virgine, ante matutinas diei pro tempore; Omnes
alias horas Beatæ Virginis post horas Canonicas dicant;
exceptis Vesperis quas ante Vesperas diei dicimus. Mis-
sam autem & omnes horas Canonicas, cum horis Be-
atæ MARIE Virginis simul audiant Fratres nostri, nisi
cum

cum aliquibus Prælatûs aliter dispensare voluerit. In horis cantandis hic modus servetur: Non protrahendo vocem in pausa, vel in fine versus; sed breviter & succinctè terminetur. Hoc etiam magis & minus pro tempore servetur. Totum Officium divinum, tam diurnum quam nocturnum, secundum Ordinem Sanctæ Romanæ Ecclesiæ faciant Fratres nostri: & hæc volumus ab omnibus uniformiter observari; ita quod nulli liceat de cætero aliquid innovare. Laici autem & conversi hunc modum habeant in Officio Divino persolvendo: Pro Matutinis tam Beatæ MARIÆ, quam diei dicant XXV. Pater noster. & Ave MARIA, & pro laudibus X. pro qualibet alia hora tam diei quam Beatæ Virginis, Septem Pater. & Ave MARIA, Pro Completorio tam diei quam Beatæ MARIÆ Virginis, Quinque Pater noster, & Ave MARIA, una cum Credo concludendo. Fratres nostri habeant unam campanam, sive excitatorium in dormitorio ad omnes horas. Item Hebdomadarius, sive in Choro, sive in Processione Serica cappa utatur. Respon, Patres: Placet.

De Inclinationibus.

CAPITVLVM II.

FRatres cum venerint in Chorum inclinent Caput ante Altare profunde, & cum ad sedes suas venerint, facto signo à Prælato vel Hebdomadario flexis genibus, vel
 C2 incli-

inclinari profundè pro tempore decantent Pater noster. Iterum facto signo à Prælato, vel Hebdomadario, iurant. Hora itaque devotè incepta, versi ad Altare, muniant se signo Crucis, & à Gloria Patri inclinet se Chorus contra Chorum profundè usque ad Sicut erat. Hoc etiam faciendum est, quotiescunq̃ Pater noster, aut Gloria Patri dicitur, excepto, quando in Missa cantatur Pater noster, non inclinamus. Ad gratiarum actiones, & Orationem: Retribuere, inclinare debemus. Idem faciendum est ad primam Collectam in Missa, & post Communionem, & in singulis horis ad omnes Collectas, tam B. Virginis quam diei. Diebus vero ferialibus ad hæc omnia, & ad preces omnium horarum flectimus genua, ad Gloria Patri, quoties in inchoatione Horarum dicitur, & ad extremos versus Hymnorum, & in Te DEUM laudamus, ad Te ergo quæsumus, ad penultimum versum Cantici: Benedicite. Inclinamus usque ad genua. Et quando cantatur: Gloria in excelsis DEO. Adoramus te, Gratias agimus tibi, Suscipe deprecationem nostram, & in Credo ad Missam; ad ex MARIA Virgine, & Homo factus est, & in Benedictione lectionis, & in Capitulo coram Priore aliquem ex Fratribus corripiente, & in omni loco, quando nominatur Nomen IESVS, Nomen Beatæ MARIE Virginis, & Beati AUGUSTINI Patris nostri, & alicujus Patroni Ecclesiæ nostræ. Hora itaque incepta modo prædicto postquam ad Gloria Patri, post venite se inclinaverint, stet Chorus contra Chorū. Deinde ad primum Psalmum sedeat unus Chorus, stet.

alter:

alter: ad secundum verò versum idem flet, ut sedeat alter Chorus, & sic alternent, usque ad Laudate, & sic faciant ad omnes Horas. Finita auté lectione in Matutinis, nisi fiat Officium de mortuis: Ille qui legit in medio Chori inclinationem faciat. In inclinationibus vero conformemur moribus eorum ad quos inclinamus. Porro ad Veni Sancte Spiritus. Adiuva nos DEVS salutaris noster, &c. Ad Salve Regina, & alias Antiphonas B. Virginis semper flectimus genua, præterquam in diebus Dominicis, à primis Vesperis Sabbati, & toto tempore Paschali, Hebdomadario; tantum ad Orationem surgente. In ferialibus vero diebus in Missa flectimus genua à Sanctus usque ad Agnus DEI. In Festis vero iij. IX. lectionum flectimus genua ab elevatione Corporis Christi, usque ad Pater noster. &c. Quando Prior iniunxerit aliquam Communem Orationem inclinent omnes, Similiter faciant omnes, quibus aliquid facere vel dicere iniunxerit. Si autem aliqua Obedientia vel Officium, vel Ministerium aliquod cuiusvis iniunxerit; humiliter se inclinans suscipiat quod iniunctum fuerit ei. Quando etiam fratribus quidpiam à Priore tribuitur, profundè inclinantes, Benedictus Dominus in donis suis, & Sanctus in omnibus operibus suis, dicant. Resp. Patres, Placet.

De Confessione.

CAPITVLVM III.

FRatres nostri nulli extraneo Sacerdoti, siue sit Religiosus,

ligiosus, siue Sæcularis confiteantur, Si copiam Sacerdotum nostri Ordinis habere potuerint. Item statuimus, ut non tantum Prior Generalis, sed quilibet Prior Provincialis localis eligat & assignet in quolibet Conventu duos Patres nostri Ordinis, si commodè illos habere potuerit, qui Fratrum Confessiones audiant; præter extraordinarios, quos etiam haberi præcipimus etiam alterius religionis approbatos ab Ordinario. Fratres nostri faciant Confessiones illis temporibus, ut infra dicitur, de Communione Fratrum. Respon. Patres. Placet.

De Communione.

CAPITVLVM IV.

FRATRES NOSTRI Ordinis tam Novitij, quam Professi, Clerici Laici, Conversi, sequentibus diebus in anno Sacratissimâ Communionem simul suscipere debent, nisi de licentia Prioris, propter aliquam rationabilē causam quempiam abstinere contingat. Videlicet in omnibus primis Dominicis anni: in prima Dominica Adventus, in die Nativitatis Domini nostri IESV CHRISTI, in omnibus Festivitatibus Beatæ MARIÆ Virginis, in omnibus Dominicis Quadragesimæ, Feria Quinta in Cæna Domini, in Ascensione Domini, in Die Sancto Pentecostes, in Festis omnium Apostolorum, in Festo Sancti Patris nostri AVGVSTINI, in Festo Sancti Michaelis Archangeli, in Solennitate Omnium Sanctorum. Illis au-

tem

tem diebus Superior post Matutinum faciat Absolutionē
Generalem, pout in Officio Ordinis continetur, & po-
stea eant ad Confessores suos delectos. In omnibus di-
ebus Communionis generalis omnes Fratres vel cele-
brent, vel Communicent, & post celebrationem, vel
Communionem genibus flexis dicant Orationem: Deus
omnium fidelium Pastor & Rector famulum tuum N-
quem Pastorem Ecclesiæ tuæ præesse voluisti, aut Ora-
tionem Dominicam, si prædictam nesciverint pro Con-
servatione Status Sanctæ Matris Ecclesiæ, ac Romani-
Pontificis pro tempore existentis, & tunc ex gratia vel
Concessione Sedis Apostolicæ plenariam peccatorum o-
mnium suorum Indulgentiam singulis diebus prædictis
consequentur. Respond: Patres: Placet.

De Suffragijs Mortuorum.

CAPITVLVM V.

A Festo Sancti Dionysij usque ad Adventum pro Anni-
versario Fratrum vel Familiarium receptorum per-
literas ad Beneficia Ordinis, Clericus Psalterium, Sacer-
dos tres Missas, Laici Quinquaginta Pater noster, dicant:
Idem faciat quilibet Fratrum pro defuncto Patre sui-
Conventus, & idem fiat per totum Ordinem pro Prio-
re Generali, & Comprovincialibus, pro Priore Provin-
ciali defuncto, Idem etiam fiat per totum Ordinem pro
Definitore Generalis Capituli, vel Socio ejus, & pro
Electo.

Electoꝛibus Prioris Generalis, vel Socio Prioris Provincialis, ad Capitulum Generale. Si aliquem in via mori contigerit. Idem etiam fiat pro Visitatore ab omnibus, quos visitare debet, si in Visitatione moriatur: aut in via in quacunq; Provincia quilibet Fratrum celebret tre Missas, Clericus X. vicibus Septem Psalmos Pœnitentiales, & quilibet, Conversus XXX. vicibus Pater noster dicant, & quilibet, Conventus XXX. Missas. In Communi Anniversarium Patrum & Matrum, tertia die post Purificationem B. MARIE. Anniversarium Benefactorum & Familiarium sequenti die post Octavam Beati AVGVSTINI; Anniversarium verò Fratrum sequenti die post Festum Beati Dionysij est faciendum., Fratres vero numerum Missarum non omitant. Respond: Patres. Placet.

De Clausura Conventuum.

CAPITVLVM VI.

Custodia Conventus debet injungi tali Fratri, Clerico; Laico, vel Conuerso: qui quoad fieri potest sit maturæ ætatis, exemplaris, de nullo vitio suspectus, prudens, ac mitis in responso, qui nemini multiplicibus quæstionibus fastidio sit, nec indiscreta colloctione commoveat, qui scandalizatos sciat placare. Portam semper teneat clausam, non discurrat per domum, sed ibi continuus resideat, nisi forte ex rationabili causa. Cum pulsatur ad portam, cito debet adesse, introducatq; qui

qui vero non sunt introducendi maneant prope portam,
& ibi vocentur qui sunt vocandi cum licentia Superioris.
Caveat autem Ostiarius, ne Fratres in silentio hora de-
bita manentes vel existentes in Choro ad divina seu in
Scholis ad lectiones vel disputationes, aut in Refectorio
hora comedendi, vel in Capitulo sollicitet ad exeundum:
nec licentiam à Priore petat; nisi necessitas fuerit magna.
In prima porta Monasterij, retineatur tabella, in qua
scripta sunt nomina Fratrum cum punctis, quibus Fratres
qui egrediuntur è Monasterio, semetipsos signare pos-
sint. Claves Monasterij tradantur singulis noctibus
Priori. Ad Ostiarium pertinet, Communes secundum
possibilitatem Domus pauperibus elèémosynas elargiri.
Mulieribus tantum Ecclesia exterior pateat, quæ etiam
non semper de die sit aperta: Sed à prima Missa usq;
ad ultimam, & à primo signo ad Vesperas usque ad
Occasum Solis. Extra Confessionem Fratres cum Muli-
eribus loqui non audeant. Statuimus ut nullus ex Fra-
tribus; tam Prælati quam subditi audeat mulierem
cujuscunque status gradus, Ordinis, Conditionisque sit,
in Monasterium introducere, sub pœna excommunica-
tionis ipso facto incurrendæ, ac privationis Officiorum;
quæ in præsentia obtinebunt. Procurator & Fratres
alij, cum ad procurandum necessaria Fratribus vadunt,
poterunt præsentem Socio & vidente Socio de hujusmodi
cum muliere sola loqui: ita tamen quod cum una ea-
demque muliere frequens non sit talis collocutio. Insuper ex
omni parte studeant Officiales nostri mulierum introitionem
sub eadem pœna superscripta. Respond. PP. Placet.

De Jeuniis.

CAPITVLVM VII.

A Pascha, usque ad Adventum Domini reficiantur bis Fratres, exceptis diebus Rogationum, & omnibus Feriis textis, & vigilia Pentecostes, jeuniis Quatuor temporum, Vigilia Sanctorum, Ioannis Baptistæ, Petri & Pauli, Iacobi, Laurentij, Assumptionis Beatæ MARIÆ Virginis, & Nativitatis ejusdem, Augustini, Bartholomæi, Mathæi, Simonis & Iudæ, & Vigilia Omnium Sanctorum, ab Adventu autem Domini continuum tenebimus Ieiunium usque ad Nativitatem Domini. Per totam autem Quadragesimam jeuniis, Quatuor temporum, Andreæ, & omnibus Feriis Sextis (nisi dies Nativitatis Domini, ea die venerit) quadragesimali utimur cibo: nisi cum aliquo propter laborem dispensetur, vel in locis in quibus aliter comederetur, vel nisi præcipuum festum fuerit, Itinerantes tamen bis refici possunt: nisi in Adventu & Ieuniis Principalibus ab Ecclesia constitutis. Feria Secunda & Tertia post Quinquagesimam, tam domi quam foris quadragesimali utimur cibo & jejunamus. In Parasceve vero per totum diem in pane & aqua ubique abstinemus.

De Disciplina.

CAPITVLVM VIII.

BOnum etiam ac salutare: ut non solum jeuniis mace-
rentur

rentur corpora nostra; sed & disciplinis, quæ debent absolvi ad memoriam, & imitationem passionis Salvatoris nostri, qualibet Feria Sexta non impedita Officio duplici ac semiduplici, tempore æstivali in Ecclesia, tempore vero Hiemali in Refectorio, ante horam silentii secrete habentes præ oculis, Fratres, propinquos, ac Benefactores nostros defunctos ope nostra indigentes, ac per eandem disciplinam peccata propria delentes Psalmista hortante: Apprehendite disciplinam, ne quando irascatur Dominus, & pereatis de via iusta.

Hora ergo competenti detur signum fratribus campana per dormitorium. Congregatis ergo Fratribus in Templum, adorato Eucharistiæ SACRAMENTO, ac deosculata terra, Superior dicat: Adjutorium nostrum &c. R2. Qui fecit. &c. quo finito dicat: Fratres, præparate corda vestra Domino: Conscientias vestras solvite discutiendo peccata commissa cum lacrymis recogitando, humiliq; contritione veniam à Domino petendo, Spiritum ab omnibus mundi curis segregatum pura intentione ad Dominum dirigendo. Per eundem CHRISTVM Dominum nostrum. R2. Amen.

DEinde Primò facient examen conscientiaæ cum discursu mentali. Quo finito, Superior dato signo, ac per orationem compunctivam, debita ex materia aplicando sermonem ad piè recolendam Passionem Salvatoris nostri. Qua finita, Fratres jacebunt prostrati dicentes Psalmum: De profundis. &c. Quo finito, dicat Superior Fratres, apprehendite disciplinam ne quando irascatur

tur Dominus, quod carnem vestram exemplo unigeniti
sui non mortificaveritis, recolite quæso flagella & cru-
ciatus; quæ pro nobis dulcissimus Rex noster CHRI-
STVS sustinuit; eiusq; amore animas vestras libenter
humiliate. Per eundem Christum Dominum nostrum.
R2. Amen. Deinde Superior incipiat Antiphonam. Ne
reminiscaris Domine delicta nostra. Psal. Miserere mei
Deus. Quo finito, Repetitur Antiphona: Ne reminisca-
ris. &c. Postea dicantur Litanie de Nomine IESV.
Quibus finitis dicuntur versus.

Oremus pro Pontifice nostro. N.

ψ. Dominus conservet eum, &c.
ψ. Domine saluum fac Regem nostrum. R2. Et xaudi
nos. &c. ψ. Pro R. P. G. Nihil proficiat inimicus
in eo. R2. Et filius &c. Pro universitate nostra. ψ.
Salvos fac servos tuos. R2. Deus meus, &c. Pro
Benefactoribus vivis. ψ. Retribuere dignare. &c.
Pro Fratribus, propinquis, & benefactoribus defun-
ctis. ψ. Requiem æternam dona eis Domine. &c.
Pro venia peccatorum. ψ. Domine non secundum
peccata nostra facias nobis. R2. Neque secundum se.
ψ. Domine exaudi orationem meam. R2. Et clamor
meus ad te veniat.

O R A T I O.

DEVS omnium fidelium Pastor & Rector: famulum
tuum N. quem Pastorem Ecclesiæ tuæ præesse volu-
isti. propitius respice: da ei quæsumus verbo & exem-
plo

20
plo quibus præest proficere; ut ad vitam una cum gregē
sibi credito perveniat sempiternam.

OMnipotens sempiterne DEVS, qui facis mirabilia mā-
gna Solus, prætende super famulum tuum & super
congregationes illi commissas Spiritum gratiæ salutaris,
& ut in veritate tibi complaceat perpetuum ei rorem
tuæ benedictionis infunde. Per eundem Dominum.

Quæsumus omnipotens DEVS, ut famulus tuus N.
Rex noster qui tua miseratione suscepit regni guber-
nacula, virtutum etiam omnium percipiat incrementa,
quibus decenter ornatus, & vitiorum monstra devitate;
& ad te qui via & veritas es gratosus valeat pervenire.

Defende quæsumus Domine Beata MARIA semper
Virgine intercedente, istam ab omni adversitate fa-
miliam, & toto corde tibi prostratam, ab hostium pro-
pitius tuere clementer insidijs.

Ineffabilem nobis Domine misericordiam clementer o-
stende, ut simul nos & à peccatis omnibus exuas; & à
pœnis, quas pro his meremur eripias.

Pætende Domine famulis tuis benefactoribus nostris
dexteram cælestis auxilii: ut te toto corde perquirant;
& quæ dignè postulant consequi mereantur.

DEVS, veniæ largitor, & humanæ salutis amator, quæ-
sumus clementiam tuam: ut nostræ congregationis
fratres, propinquos, & benefactores, qui ex hoc sæcu-
lo transierunt; Beata MARIA semper Virgine interceden-
te cum omnibus Sanctis tuis ad perpetuæ beatitudinis
consortium pervenire concedas.

De Cibo.

CAPITVLVM IX.

HOra competenti ante prandium vel cœnam ad Refectorium paucis ictibus cymbalum pulsetur, ut Fratres ad refectiōem venire non tardent: post modum pulsetur diutius, si eibus paratus est; alioquin non pulsetur nisi paratus sit, ablutis vero manibus Prior nolum pulset Refectorii, & tunc Fratres ingradientur, quibus ingressis dicat: Benedicite, qui dicit versiculos, & Conuentus prosequatur benedictionem. Deinde Lector: Iube Domne &c. &c. Seditibus Fratribus ad mensam, Lector legat aliquid de Scriptura Sacra pro tempore, vel Constitutionum, vel Regulæ, Seruitores autem incipiant à Senioribus videlicet à mensa Prælati ad inferiores descendentes. Nullus Fratrum præsentium à prima mensa absit, præter seruitores & Custodes, nisi de licentia, quotquot autem remanserit comedant in secunda mensa, ita ut tertiam facere non oporteat. Nulla fiat pitantia Seruatoribus vel ministris, quæ non sit Conuentui, nisi sint infirmi, vel minuti, Frater vero nullus mittat fratri pitantiam, excepto Priore, sed sibi datum potest dare sedenti à dextris & à sinistris. Priores comedant in Refectorio & cibariis Conuentus sint contenti: Similiter & omnes alij Fratres; nisi cum quibus Prior dispensauerit ob aliquam causam; ut extra Conuentum aliquando comedant: Pulmenta nostra in nostris Con-

uenti-

ventibus Die Dominica Feria Tertia & quinta lagimine vel carnibus condiantur. Secunda vero & quarta Feria, & die Sabbati butyro, vel caseo sint condita: nisi dierum istarum aliquod jejunium statutum ab Ecclesia intervenierit. Fratribus vero nostris extra Claustrum: & in via positis de omnibus quæ eis à Christi fidelibus apponuntur liceat manducare. Frates nostri, tam Priores quam alij in locis, ubi Conventum habemus: nisi cum Episcopo, vel in domibus Religiosorum, vel ob aliquam causam necessariam; & hoc raro extra claustrum comedere non præsumant. In singulis diebus, si fieri potest duo cocta pulmenta habeant, poterit autem Prior superaddere, prout opus esse judicaverit, & facultas permiserit. Si quis juxta se sedenti videt aliquid deesse, de Communi requirat à servitore. Si quis ex servitoribus, vel comedentibus serviendo, vel comedendo offenderit, surgentibus Fratribus veniam petat, & facto signo à Prælato redeat ad locum suum. Post prandium, dicto à Lectore: Tu autem Domine misere nobis. Omnes surgant à mensa, & Hebdomadarius prosequatur ulterius Gratiarum actiones.

De Collatione.

C A P I T V L V M X.

TEmpore competenti Sacrista ad Completoriū signum faciat; postea Refectarius pulset. Deinde fratribus venien-

venientibus, legat in Refectorio. Lector præmissio: Iube Domne, & sequitur benedictio: Noctem quietam. Infra lectionem Poterunt bibere factosigno à Priore, & dicto Benedicite à Lectore, & data benedictione ab Hebdomadario Largitor omnium. &c. In fine lectionis addatur lectio. Fratres: Sobrii estote &c. Deinde: Tu autem Domine. &c. Et qui præest dicat: Adjutorium nostrum in nomine domini. &c. Et tunc decantando Miserere mei DEVS, intrent Fratres Ecclesiam, & facta confessione, & dicto Completorio, det Prælatus benedictionem, & Hebdomadarius Aqua aspergat benedicta. Pro tempore vero Lectio prædicta: Fratres, Sobrii estote, Legatur in Ecclesia. Quicumque bibere voluerit extra horam, licentiam petat à Prælato, & unum socium accipiat.

De Rasura. CAPITVLVM XI.

Rasura sit superius, non modica, ut Religiosos decet: Sic ut inter ipsam & aures non sint plures quam tres digitti tonsura quoque fiat de super aures. Rasura fiat his terminis: Prima in Nativitate Domini. Secunda inter Nativitatem Domini, & Purificationem. Tertia in Purificatione. Quarta inter Purificationem & Pascha. Quinta in Cæna Domini. Sexta inter Pascha & Pentecostes. Octava inter Pentecostes, & Festum Beati Petri & Pauli. Nona in Festivitate eorundem. Decima in Festo

Festo Sanctæ MARIE Magdalenæ. Undecima in Assumptione Beatæ MARIE Virginis. Duodecima in Nativitate ejusdem. Decima tercia in Festo Sancti Dionisij DecimaQuarta in Festo Omnium Sanctorum, Decima Quinta in Festo Beati Andreæ,

De Lectis & Cellis.
CAPITVLVM XII.

FRatres omnes nostri Ordinis habitent in Cellis sibi cõcelsis, & non alibi quæ ita claudantur, ut clave comuni seris aperiendis cooprata aperiri possint, quarum supellex statui religionis quam Professi sumus conveniat, nihilq; superflui sit in eis, nihil etiam quod sit necessarium desit. Provideatur vero unicuiq; de mensa, de sede, de candelabro sive lucerna, de lecto decenti, & religioso, in quo sit matarium laneum, & duo pulvinaria, sive capeffale ad tenendum Caput, duo linreamina lineæ, & Opertorium humile & honestum, Coopertorium vero: ex serico aut alias delicatum, seu curiosum: nullus Frater etiam infirmus in Conventu teneat. Quicunque Cellam Fratris alterius intraverit sine licentia Prioris expressa (quam non nisi pro rationabili causa dabit.) Si de die intraverit, ter in terra sedens in medio Refectorij pane & aqua reficiatur: de nocte vero intrans, prædictam poenam sustineat duplicatam, eodem modo puniatur ille cujus est Cella, nisi immediatè de illa exiisset. Quam poenam non extendimus ad Celam Prioris

E

& Sub.

& Subprioris in absentia Prioris, nec Magistri Novitiorum, pro Fratribus suis subiectis, nec Regentis extra tempus silentij. Volumus autem quod quilibet Prior ad minus bis in anno Cellas omnes sui Conventus visitet, assumptis secum uno, vel duobus de gravioribus Patribus Conventus. Fratres vero teneantur Priori per se vel per alium petenti dare claves, quarumcunq; arcarum; Si eas in Cellis habuerint, vel cujuscunq; repositorii loci, & diligenter videat Prior, si aliquid habeant in Cellis suis magis delicatum, pretiosum, vel curiosum: quam quod statui religionis nostræ congruat, & ab illis huiusmodi auferat; Puniatque eos animadversione condigna. Idem faciat, si invenerit libros profanos, & inhonestos, Epistolas, vel aliquid aliud; quod nostræ Professioni ac honestati apertè repugnat.

De Vestitu.

CAPITVLVM XIII.

OMnibus Fratribus sui Conventus Prior charitative, prout cuiq; opus fuerit de vestibus & calceamentis, & alijs necessarijs iuxta Conventus possibilitatem provideat. Quia vero congruum tempus ad providendum Fratribus de vestimentis est à Festo Sancti Michaelis usq; ad Festum Omnium Sanctorum: Volumus, ut quilibet Prior infra prænotatum tempus juxta singulorum necessitatem Fratribus faciat diligenter provideri. Nullus autem habeat plures tunicas, quam duas, cum pelliceo in hyeme

hyeme, vel tres sine pelliceo, quod semper tunica coopertum deferatur; Saltem semper extra Monasterium. Pelliceis sylvestribus, & cooperturis quarumcunq; pretiosarum pellium Fratres nostri non utentur, tunica ad talos pedum, Scapularia cum Cruce rubea ante pectus, Cappa vero clausa brevior sit tunicis & Scapulare; & etiā pellicium, Caputium etiam albi coloris sicut alia vestimēta nostri Ordinis portans super Cappa de super caligas, & Saccos habebimus, ubi necessitas fuerit, & facultas permiserit. Fratres vero Converſi paliis apertis utantur.

De Silentio.

CAPITVLVM XIV.

Silentium Fratres nostri teneant in clauſtro, in dormitorio, in Cellis, in Refectorio, in Oratorio Fratrum, nisi forte quis ſilenter aliquid loquatur, non tamen Oratione perfecta; alibi loqui poterit, nisi de licentia ſpeciali. Omnes Fratres ubique intus & extra ſilentium teneant, in menſa tam Priores quam alij. Poterit tamen Prior diſpensare ſuper ſilentium menſæ. Si quis autem hoc ſilentium fregerit, abſque licentia, in uno prandio aquam bibat abſque diſpensatione, exceptis infirmis decumbentibus. Infirmi non decumbentes à prandio uſq; ad Veſperas ſilentium teneant: Similiter & poſt ſignum quod fit poſt Completorium. A minutis etiam poſt primam diem ſuæ minutionis idem ſimiliter obſervetur. Fratres de ſilentio in Capitulo ſe accuſent, ſicut de aliis

liis culpis, & Priorum arbitrio puniantur. Si quis autem inter duo Capitula septies silentium fregerit, in uno prandio sedeat in terra.

De Itinerantibus.

CAPITVLVM XV.

SI quando hospites ad nos venerint maximè Religiosi sine murmuratione: imò cum vultus & cordis hilaritate, omni cum charitate & devotione, iuxta Monasterii consuetudinem recipiantur. Quoniam Christus Dominus, in cuius persona ipsi recipiuntur, dicturus est iudicii magni die: Hospes fui, & non suscepistis me, debetq; magna cura adhiberi à Priore & hospitalario, ut hospites consolati & ædificati recedant. Itinerantes vero nostri Ordinis, siue de propè, siue de longe veniant, recipiantur modo supradicto tanquam Fratres. Si vero tempore silentii venerint, nulli se conjungant; nec loquantur, nisi eis ad quos spectat hospites suscipere, vel speciali licentia Prioris. Si autem loqui oporteat, sic loquantur, ut Fratres in silentio manentes non inquietent. Præterea itinerantes nostri statim ut venerint Priori Cōventus negotium exponant. Post exhibitam à Priore hospitalitatis humanitatem, si ulterius aliquis eorum in domo moram traxerit, sicut unus ex Conventualibus tractetur. Post tres autem dies, nisi fuerint legitimè impediti, vel Prior cum eis dispensaverit, ad Missam majorem & horas canonicas quotidie conveniant, & ad
sacra

sacra facienda sicut & alij Fratres Conventus teneantur. Et Capitulo de culpis semper intersint; nisi sint Priores aliorum Conventuum. Licet autem hospites in omnibus Priori obedire velimus; Si tamen aliquis ex ipsis habuerit aliquid à Priore suo in mandatis, seu aliud quodcunq; negotium, utile & honestum, cui oporteat ipsum attendere; Prior loci eum non occupet aliquibus negotijs, ne illud propter quod venit impediri, vel differi valeat; Sed sicut discretionis suæ videbitur, & de socio ei providebit cum quo illud tale valeat expedire. Statuimus præterea, ut nullus Frater nostri Ordinis veniens ad locum ubi Ordo habet Monasterium in domibus Sæcularium vel Religiosorum prandere, vel cænare præsumat, antequam ad Conventum vadat: Sub pœna comedendi in terra tribus diebus panem & aquam in medio Refectorij. Eadem pœna puniatur, qui in locis prædictis pernoctaverit. Quod si per duas noctes duplicetur ei pœna. Quod si prior aliquis tale quid commiserit, à Provinciali, vel Visitatoribus graviter puniatur. Provincialis vero in Capitulo Provinciali. Si autem Frater aliquis tale quid commiserit, correctione dignum, corrigatur à Priore sui Conventus in cujus questu est. Quicunq; Prior, vel Vicegerens minus charitativè hospites tractaverit, in prima & in secunda visitatione à Provinciali arguatur, suspendatur, & privetur, & ineligibilis per tres annos maneat. Provincialis vero, vel Visitator, qui huiusmodi convictum ab Officio non suspende-rint, vel privari non fecerint; eadem pœna inhabilitatis puniantur.

De Infirmis.

CAPITVLVM XVI.

Circa infirmos caveat ne sit negliens Prælatus, vel Prior. Sic enim procurandi sunt infirmi, ut citius releventur sicut dicit Pater noster Augustinus, & ut in quolibet Conventu nostro una sit domus pro infirmis, extra quam nulli ægro liceat residere, nec Conventus teneatur extra domum illi, in necessarijs infirmitatis providere. Talis autem domus, à nullo qui non sit evidenter infirmus possit occupari: præcipuè, quando in loco aliqui Fratres sunt infirmi. Vt autem facilius & commodius sine distractione bonorum loci habeantur, expendenda pro necessitatibus fratrum quando infirmantur: Volumus & mandamus, ut de omnibus Proventibus Monasterij & Sacristiæ in pecunia semper sequestretur pars decima, & ponatur apud aliquem fratrem ad hoc per Conventum datum, qui non sit Sacristianus, nec Procurator; & ab ipso accipiat Infirmarius, aut simul cum ipso expendat de dicta pecunia pro necessitatibus dictorum infirmorum, & pædictus Fater rationem reddat omni mense sicut Procurator de dictis proventibus vel expensis. Prior assignet infirmis, fratrem qui eis tam die quam nocte cum Charitate necessaria ministret. Si unus non sufficit, propter multitudinem infirmorum, coadiutor detur eidem: Prior sæpè eos visitet, de Confessione moneat, hortetur ad patientiam, inquirat, an aliquid debeat alicui, vel ei de.

ei debeat alius, solícite curet, ne aliquid desit Infir-
torio. Si autem Priorem infirmari contigerit, in Infir-
maria cum alijs procuretur. Fratres vero leprosi intra
septa sui Conventus seorsivè ab alijs procurentur. Quod
si arctitudo illius loci, vel alia causa legitima non per-
miserit, per Priorem Provincialem nostri Ordinis ad
Conventum alium transferantur.

De Mortuis Fratribus.

CAPITVLVM XVII.

Solícite curet Prior, ut antequam infirmus ra-
tionjs usu privetur omnibus Sacramentis tanquam
armis, à Christo Domino nobis liberaliter concessis, ad
transitum ad æternam vitam à temporali muniat, atquè
corrobores, Diligenter etiam ab eo inquirat, an sciat
alicuius culpam, per quam possit aliquod scandalum Or-
dini nostro generari, vel domui, vel Fratri: item an ha-
beat alicubi depositum, quod ipse Prior ignoret, dicatq;
Priori sub pœna proprietarij, quodsi noluerit, & mori e-
um sic contigerit, careat sepultura Ecclesiarum. Si au-
tem aliquem Fratrem sine Sacramentis Ecclesiæ ob Pri-
oris incuriam è vita migrare contigerit; Prior absq; ulla
dispensatione Officio privetur. In hora egressionis ani-
mæ illius de corpore, ad signum Infirmary omnes Fra-
tres conveniant circa eum, & Officium commendatio-
nis animæ debite persolvant: Postquam mortuus fuerit
spolie.

tur & lavetur honeste ab illis quibus Prior injunxerit; deinde indusio, tunica, scapulari & caputio desuper ornatur, tibialiis indutus, & caligis, ponatur in feretro, & in Capitulum deferatur, apponanturq; luminaria cum Cruce, & vase cum aqua benedicta, & aspersio & sic Fratres successivè & ordinatè à Priore per horas dividantur; ut à duobus Fratribus Psalterium semper, cum Requiem æternam dicentibus recitetur. Cadaver non relinquatur solum; quousque peractis quæ debentur, ex ordine honeste sepeliatur. Ordinamus autem, ut in Ecclesia nostri Fratres à Secularibus separatim sepeliantur. Sepultura Fratrum à Sepultura Secularium distingvatur. Si vero, quod absit morte subitanea & improvisa Frater decesserit; sepeliri non debet nisi transacto termino viginti quatuor horarum, vel circiter, Sepulto eo & omnibus aliis expeditis, convenient in Capitulū Fratres; quibus Prior iniungat, vt singuli quam citius solvant secundum Ordinis Statuta, debitum pro defuncto. Priorem, Provincialem, vbicunque fuerit de morte hujusmodi certiores facere procuret, quatenus ipse omnibus Provinciæ Conventibus Fratr̃is obitum per suas literas denunciaret, Suffragiaque debita pro eo fieri mandet.



SECUNDA DISTINCTIO CONSTITUTIONVM.

De Electionibus nostri Ordinis in genere.

CAPITVLVM I.

A Præfenti Capitulo Generali Cracoviæ celebrato, in Monasterio Sancti MARCI Evangelistæ, de mandato *Illustrissimi & Reverendissimi Domini D. FRANCISCI SIMONETÆ* Comitis ac Episcopi Fulginatensi, ac Sanctissimi Domini nostri Domini PAVLI Divina providentia Papæ Quinti, ejusq; Sanctæ Sedis in Regno Poloniæ Nuncij cum facultatibus Legati de latere. Anno Dñi. Millesimo, Sexcentesimo, Octavo, die Vigesima Nona Septembris in futurum præcipimus Priori Generali & RR. Provincialibus, nec non Diffinitoribus, pro tempore existentibus, & ijs quorum intererit in virtute Sanctæ Obedientiæ, & sub pænis privationis officij, & vocis activæ & passivæ eo ipso incurrendis, ut de triennio in triennium celebrari curent Capitulum Generale, juxta Decretum Concilij Tridentini Sessionis 25. de Regul: & Monial: Capite Octavo, ad quod universi Fratres conveniant, impedimentum Canonicum non habentes ad unū

de Monasterijs ad hoc aptum: in quo Capitulo semper fieri debeat Electio novi Prioris Generalis, Provincialium, Diffinitorum, Præpositorum, & Priorum totius congregationis sive Ordinis; & in eo diligens habeatur tractatus de reformatione Ordinis & observantia Regulari.

Antequam detur Principium Capitulo, Generalis Prior una cum Diffinitoribus, & Provincialibus eligant aliquem Patrem: quem magis idoneum & circumspectum judicaverint, qui præsit Vniverso Capitulo, donec fuerit creatus novus Prior Generalis, & apud eundem præfidentem idem Prior Generalis antiquus deponat Sigillum Officij sui cum libris Ordinis, & si absens fuerit; ij deponant Sigillum, & eosdem libros, per quos ea miserit.

Quodsi Prior Generalis Sigillum sui Officij resignare noluerit, vel ad mandatum, seu requisitionem. Patris Præsidentis, ac Diffinitorum, Officio Generalatus renunciare detraxerit, sua in Obedientia permanente, tanquã Ordini rebellis omni Communione Fratrum sit penitus destitutus, præter alias pœnas eidem inflingendas per Priorem Generalem Successorem cum consilio Patrum Diffinitorum. In electione autem Superiorũ quorumcunq; & aliorum Officialium, quæ omnia rectè & sine fraude fiant, inhærentes decretis Sacrosancti Concilij Tridentini stricte præcipimus: Omnes supradictos elegi debere per vota secreta, ita ut singulorum eligentium nomina nunquam publicentur. Præterea non liceat Priores Provinciales, Priores Conventuales, Diffinitores, aut Discretos, ad effectum electionis faciendæ constituere, aut voces &

ces & Suffragia absentium supplere. Si vero contra hujus decreti Constitutionem aliquis electus fuerit, electio irrita sit, & is qui ad hunc effectum se in Generalem, Provincialem, Priorem Definit: &c. creari permiserit, deinceps ad omnia Officia in religione obtinenda inhabilis omnino existat. Nullus in Electionibus nostris vocem activam habeat, nisi sit præsens: nec absentes possint Procuratores pro seipsis in particulari substituere. Nullus præterea possit habere plures voces activas in eadem electione. Nullus item possit voci suæ renunciare, sub poena privationis vocis activæ per biennium.

De Forma Celebrandi Capitulum Generale.

C A P I T V L V M II.

CUm dies assignata advenerit, non obstante cujuscunq; absentia Generale Capitulum incipiat celebrari in vigilia diei assignatæ. Et primo summo mane dicatur Missa soleniter de Spiritu Sancto, deinde fiat sermo, & post sermonem fiat commemoratio Fratrum, Familiarium, patronorum, benefactorum, & literas confraternitatis habentium defunctorum ex singulis Provinciis citra Generale Capitulum ultimo celebratum, & infine dicitur Psal: De profundis. Kyrie eleison. Christe. Kyrie. Pater noster. *Ps.* Et ne nos inducas. A porta inferi. *Ps.* Credo videre: Dominus vobiscum. Oremus. Absolve

Domine quæsumus animas famulorum famularumq; tuarum, ab omni vinculo delictorum ut in resurrectionis gloria inter Sanctos & electos tuos resuscitati respirent. Per Christum. Amen. Et statim incipiat Præsidens Hymnum. Veni Creator. &c. quem Hymnum prosequatur Capitulum altisonè, in fine dicat Præsidens Kyrie eleison. Pater noster. &c. V. Et ne nos. &c. Emitte Spiritum tuum. &c. Domine exaudi. &c. Dominus vobiscum. Oremus. Deus qui corda fidelium. &c. Quibus dictis & exclusis omnibus, qui non sunt de gremio Capituli, videantur literæ Deffinitorum, & Sociorum, & fiat diligenter Scrutinium: Si ritè & Canonice fuerint electi, & si quis aliter venerit; non debet interesse Capitulo. Si autem contingat aliquem electum Deffinitorem venire post Scrutinium factum postquam aliquis de Provincia sua fuisset admissus, non admittatur ad Diffinitores. Deinde audiantur culpæ Provincialium, & responsiones eorum: & si aliqui amiserint vocem, & locum, ipso facto excludantur; & nulla pœnitentia alia eis tunc iniungatur donec per Priorem Generalem post ejus electionem vel Diffinitores fuerint discussæ culpæ eorum. Itidem audiat Præsidens, & Capitulum culpas Prioris Generalis antiqui, & secundum delicti gravitatem veniet puniendus.

De Electione Prioris Generalis.

CAPITVLVM III.

AVditis culpis Provincialium, statim, & ante omnia, ad ele-

ad electionem Prioris Generalis procedatur: & eum eligant Fratres in Priorem Generalem, Religiosum, & circumspectum virum, & eum quem ad tantum Officium existimaverint digniorem. Electio autem Prioris Generalis nullo modo fiat per absentiam, sed præsentium duntaxat vota legitime habentium vocem & locum in Capitulo Generali, quæ adhuc per secreta vota fiat, non publicantes nomina eligentium, juxta Decretum Sacrosancti Concilij Tridentini hoc modo videlicet, aliquis scriba à Præsidente Capituli deputatus, prius ei præstito juramento de non revelandis nominibus eligentium, solus, vel seorsum audiat, vel accipiat singulorum eligentium vota, qui votum suum ipsi scribæ exhibeant nomine electi, tantum expresso hoc modo Eligitur Reverendus N. in Priorem Generalem Nostri Ordinis. Quo scripto eligens Schedam, à scriba accipiat, videat, & propriis manibus complice, eamq; deponat in pixide, & omnium Suffragiis absolutis, unus de præcipuis gremialibus ad nutum Præsidentis Singulatim, dictas schedas extrahat, & evolvat, & alius audiente toto gremio vota singulorum eligentium legat, & pronunciet. Et tum ille in quem pars major & sanior convenerit omnium eligentium, ita videlicet: ut pars sua partes alias sibi junctas excedat, simul ille Prior Generalis habeatur ab omnibus, quod si non excedat, rejiciatur electio usque tertio, & ille tunc in quem major & sanior pars convenerit, Prior Generalis habeatur, & publicatione vororū facta subprelsis nominibus eligentium statim habens pri-

mam vocem dicat: Ego N. autoritate mihi commis-
sa, & nomine omnium eligentium denuncio N. esse.
Priorem Generalem Ordinis nostri, & pronuncio eum
virtute Privilegij Ordini nostro indulti fore Priorem Ge-
neralem legitime confirmatum. In Nomine Patris, &
Filij, & Spiritus Sancti. Amen. Si tamen Electioni con-
senferit ipse electus. Iplo autem sic confirmato ducant
eum Fratres ad Ecclesiam cantantes: Te Deum lauda-
mus ubi ante Altare tapetijs reverenter appositis se pro-
sternant donec finiatur: quo terminato dicitur, Kyrie
eleison. Christe. Kyrie. Pater noster. &c. & dicat, qui
præerat ejus electioni, vel qui confirmavit: Et ne nos in-
ducas. &c. *Ps.* Manda Deus virtuti tuæ. *R.* Confirma
hoc DEVS quod operatus es in eo. *Ps.* Salvum fac. &c.
R. DEVS meus. *Ps.* Ora pro eo Sancta DEI genitrix. *Ps.*
Domine exaudi, Dominus vobiscum. Oremus. DEVS
qui corda fidelium Sancti Spiritus illustratione docuisti,
da ei in eodem Spiritu recta sapere, & de ejus semper
consolatione gaudere. Oratio. Prætende Domine famu-
lo tuo dexteram cælestis auxiliij, ut te toto corde perqui-
rat, & quæ digne postulat assequatur. Oratio. Omnipot-
ens sempiternæ DEVS, qui facis mirabilia magna solus,
prætende super famulum tuum, & super cunctam con-
gregationem illi commissam Spiritum gratiæ salutaris, &
ut in veritate tibi complaceat, perpetuum ei rorem tuæ
benedictionis infunde. Oratio. Protege Domine Famu-
lum tuum subsidijs pacis; & Beatæ MARIÆ semper Vir-
ginis patrocinij confidentem à cunctis hostibus redde
securum

securum. Per Christum, &c. Deinde surgat, & osculetur altare reverenter; & præsentetur ei aspersorium, qui se primo, deinde alios aspergat: tunc sedeat in loco sibi ante altare parato reverenter, & fratres singuli ad eum accedentes, genibus flexis, manus ejus osculentur humiliter, & devote, & ipse de cætero sit diligens, & intentus cum DEI timore ad regimen Ordinis & reformationem morum. Poterunt tamen & Patres in Generali Capitulo confirmare antiquum Priorem Generalem in aliud triennium tantum, si id religioni expedire judicaverint.

De Officio Prioris Generalis.

CAPITVLVM IV.

PRior Generalis à toto Ordine eligatur quolibet triennio Canonica electione per vota secreta; ad normam S. Concilij Tridentini, cujus electio, cum solo suo consensu est confirmatio, qui confirmatus omnimodam potestatem habet in religione, tanquam supremus Præles, Visitandi, disponendi, Ordinandi, & amovendi ea, quæ amovenda judicabit ad normam harum Constitutionum de Provincia ad Provinciam, & de Conventu ad Conventum Fratres transferre liberè potest, sine contradictione cujuscunque. Privilegia autem, & quæcunque alia, de Provincia ad Provinciam, & de loco ad locum, ex causa rationabili etiam transferre quando sibi videbitur expedire: ita tamen ut de hujusmodi receptione,

ne, & translatione, illis, à quibus recipiuntur, literas faciat fieri testimoniales, & Patentes, ut Privilegia, & aliæ res sic translatae loco & Provinciæ quibus sunt restituantur quam citissime ubi opus fuerit; bono modo etiam sine requisitione. Item in quibuscunq; Capitulis Generalibus, Provincialibus, Conventualibus, per se, aut per Vicarios, vel Visitatores præsidebit. Nisi quando in Capitulo Generali culpas suas debet dicere: & Definitores debebunt de eo pertractare. Porro Vicarius missus ad Generale Capitulum, scrutinio facto non debet amplius præsidere. Debet etiam Prior Generalis culpas Provincialium, & Conventualium, & aliorum Fratrum subditorum quorumcunq; corrigere, ad visitationis Officium exercere. Rationes, in quibuscunq; Capitulis excipere & juridice audire. Si quis autem verbo, vel facto directè vel indirectè per se vel per alium quovis colore quæsito, divisionem nostri Sacri Ordinis, cujus unitas in unitate capitis consistit procurare ausus fuerit, tanquam Schismaticus & destructor Ordinis habeatur, & voce, ac Officio, & gradu, & quavis alia gratia, ab ordine sibi concessa privetur. Nec ad prædicta valeat restitui, nisi per Capitulum Generale. Tandem subeat poenam, qui absque Capitulo Generali aliquod novum institutum vivendi in nostra Sacra Religione introducere attentaverit, vel procuraverit, vel ipse vel alius quispian ab obedientia Prioris Generalis eximatur. Ad ipsum spectabit Provinciales electos confirmare, & pro notabili & manifesta inobedientia & rebellionem, quæ testimonio

Simonio Capituli Provincialis, aut Conventualis rationabiliter excusari non poterit, vel pro omnibus culpis, pro quibus aliqui Carcerem meruissent, vel iuste vocem, vel locum amississent, de quibus confessi vel convicti fuerint, ab officijs absolvere poterit sine contradictione cujuscunque. Item poterit Provinciales deponere & restituere, consentiente maiori & saniori parte Capituli. Provincialis ex causa rationabili, quæ ei apparebit rationabilis, cum sibi videbitur expedire. Item poterit ponere & deponere Priores cujuscunque Conventus immediate sub ejus regimine constitutos. Similiter Præpositos, Rectores, Plebanos, Vicarios Subprios, Sacristas & alios Officiales dictorum Conventuum cum sibi videbitur expedire.

Poterit autem Prior Generalis fugitivos cujuscunque Provinciæ ad Ordinem libere recipere & pænitentiam assignare de commissis: & tam cum illis, quam vel cum aliis defectuosis super pænitentiis dispensare misericorditer, partem pænitiæ, vel totam etiam remittere. Et in quibuslibet Provinciis poterit novitios recipere, receptos ad professionem admittere, professos ad Ordines mittere, sine assensu cujuscunque. Poterit etiam Capitulum Generale, vel Provinciale mutare, & terminum causa rationabili abbreviare, vel prolongare, & hoc idem committere Provincialibus aut vicariis quando sibi videbitur expedire. Volumusq; ut Priores Provinciales & Conventuales ac Vicarij in hoc sibi firmiter teneantur obedire. Habet etiam potestatem Ecclesias Parochia-

les, ac Monasteria suæ Regulæ, ac Ordinis ubilibet consistentes ac eorum proventus, quomodolibet abstractos, neglectos, & intermissos, occupatos, & nulliter ac perperam distractos, & alienatos, iure, vel alio quovis modo licito & honesto recuperandi. Item curet sollicitè & provideat, quomodo Ordo noster, si in aliquibus locis debilis est, roborari & augeri possit; & ad hæc vigilet & insistat, ac Provinciales instantissime moneat & hortetur. Poterit locum & vocem his qui amiserunt restituere, & inhabiles habilitare ad studia, gradus & officia, nisi commisissent scandala talia, quorum dispensatio per Constitutionem Generali Capitulo reservetur. Poterit literas Officiorum Spiritualium, & fraternitatis in toto Ordine concedere. Fratres cujuscunq; Provinciæ à sententia excommunicationis absolvere, quam pro iniectione manuum in seipsos, aut Apostasia, aut ex Ordinis censura incurrissent. Tandem Prior Generalis eandem habebit authoritatem in suæ Congregationis seu Ordinis Monasteria ac Regulares in eis commorantes, quam alii Præsides, in cæteris habent Ordinibus iuxta decretum Concilii Tridentini. Session. 25. de Regula. & Monialibus. Cap. Octavo.

Item. Statuimus, ut si Prior Generalis resignaverit Officium, in omni electione, & quocunq; actu alio immediate sit, post Priorem Generalem, si præsens fuerit & quoscunq; alios Fratres, Ordinis præcedat ubiq; cujuscunque gradus, & Officii, & conditionis fuerint; & omni Capitulo Generali, vel Provinciali, sit primus Designator

finitor semper: Mandamus, ut ei provideatur de vestuario, & victualibus decenter præ aliis Magistris, qui non fuerint in dicto Officio. Item Prior Generalis ab Officio absolutus, vel resignans potest sibi eligere Provinciam de tota religione, & in ea Conventum ad manendum quem voluerit: ita tamen, ut si in eadem Provincia voluerit mutare, de Conventum ad Conventum id faciat de speciali licentia Prioris sui Conventus, ad quos vere declinaverit absolute ipsum recipiant reverenter. Sed pro itinere non tenentur providere expensas. Statuimus enim, ut ipsi absoluto, vel resignati, fiant expensæ de Communi Ordinis, à loco Capituli Generalis, usque ad Conventum quem elegerit. In absentia vel vacatione Officij Generalatus, suppleat rationes Prioris Generalis, Vicarius Generalis, & eo non existente, Senior Diffinitor, & successive alius Diffinitor, sive alius ad hoc deputatus à Capitulo.

De Solenni Receptione Prioris Generalis.

CAPITVLVM V.

FRatres omnes cum cappis albis, (præcedente vexillo crucis) bini & bini incedentes processionis more exeant, extra ianuam Ecclesiæ nostræ. Sit cum eis Prior, vel alius Pater ætate gravis, Diaconus & Subdiaconus induti sericis, & thuriferarius indutus alba, vel super pelliceo cum thuribulo. Pater vero qui peragit Officium manu sua teneat

Crucem, vel Pacem, vel Missale, apertum in ea parte
quæ incipit: Te igitur Clementissime Pater. &c. &
porriget Crucem vel imaginem Crucifixi osculandam.
Generalissimo Patri Ordinis, qui flexis genibus adorabit
Crucem, dicens: Adoramus te & benedicimus tibi, quia
per Sanctam Crucem redemisti mundum. Postea sub-
iunget iunctis manibus (Oratio) Adesto nobis Domine
DEVS noster: & quos Sanctæ Crucis lætari facis honores;
eos quoq; perpetuis defende subsidiis. Qui vivis & re-
gnas, &c. Qua expleta, incipiet qui peragit Officium
canere: Te DEVM laudamus. Thuriferarius tunc thure
suffumigabit *Reverendissimum Dominum* GENERALEM.
Crux redibit in Ecclesiam, & Fratres sequentur Crucem
cantantes, Te DEVM laudamus. Cum Pater Ordinis
erit ad Ianuam Ecclesiæ, in ejus manibus ponent asper-
sorium, qui statim asperget; & diffundet aquam super
omnes, qui erunt in illius Comitatu. Cum ipse Pater
Reverendissimus pervenerit ad locum præparatum, flectet
genua: tunc (organo cessante) fratres incipient canere
Responsorium: Cives Apostolorum. quo finito, dicet Mi-
nister: Salvum fac Servum tuum. R. Et Filius iniquita-
tis non apponat nocere ei. V. Oremus pro Priore no-
stro Generali. R. Dominus conservet eum, & vivificet
eum in pace. V. Domine exaudi. &c. Dominus vobi-
scum. Oremus. Omnipotens sempiternus DEVS, qui facis
mirabilia magna solus prætende super famulum tuum.
Priorem G. & super cunctam Congregationem illi com-
missam Spiritum gratiæ Salutaris: & ut in veritate tibi
compla-

conplaceat, perpetuum ei rorem tuæ benedictionis infunde. Per Christum Dominum. Tunc ponent stolam ad collum. R. Patris Prioris Generalis qui adibit altare flectendo genua ad deosculandum, & accepto thuribulo, more solito diriget incessum in conspectum altaris. Postea cantando dicet versum: Ostende nobis Domine &c. R. Et salutare tuum da nobis. V. Salvos fac servos tuos. R. DEVS meus sperantes in te. Ora pro nobis Beate Pater AVGVSTINE. R. Vt digni efficiamur. &c. V. Ora pro nobis Sancta DEI genitrix. R. Vt digni efficiamur promissionibus. V. Domine exaudi Orationem. Et clamor. &c. V. Dominus vobiscum. &c. *Oremus.* Protege Domine. &c. *Oratio.* Præstende Domine famulis & famulabus tuis dexteram cælestis auxilii: ut te toto corde perquirant; & quæ dignè postulant assequantur. *Oratio.* Adesto supplicationibus Omnipotens DEVS, & quibus fiduciam sperandæ pietatis indulges: intercedente Beato AVGVSTINO Confessore atque Pontifice consvetæ misericordiæ tribue benignus effectum. DEVS qui corda. &c. Per Dominum. &c. Amen. His dictis, statim subiiciat versum. Sit nomen Domini benedictum. R. Ex hoc nunc & usque in sæculū. V. Adiutorium. R. Qui fecit cælum &c. Postea dicat: *Oremus.* Benedictio DEI Omnipotentis Patris, & Filij & Spiritus Sancti descendat super vos, & maneat semper. R. Amen. Hæc dicens, Pater Ordinis tres Cruces faciat super populum illi benedicendo. Qua oratione expleta, pressa & firma voce dicet pro defunctis fratribus Sanctimoni-


alibus & Benefactoribus Ordinis Nostri. Psal: De profundis &c. cum Fratribus. In fine. Requiem æternam. &c. Et sine Kyrie eleyson; dicitur: Pater noster. *ψ*. A porta inferi. &c. *ψ*. Credo videre bona Domini. &c. *ψ*. Domine exaudi. &c. Dominus vobiscū. &c. Oremus. Inclina Domine. &c. DEVS veniæ largitor. &c. Fidelium DEVS. &c. Requiescant in pace. Amen Si liberum erit, & gratias aget illis, qui eum comitati fuerunt. Postremo sedenti omnes Religiosi Conventus (initio sumpto à Priore) signum exhibebunt obedientiæ Priori Generali, illius manus reverenter osculantes.

De Forma Celebrandi Capitulum Provinciale.

CAPITVLVM VI.

CVM dies assignata venerit, scilicet vigilia Festi, non obstante cujuscunq; absentia inchoetur & celebretur eodem modo sicut Capitulum Generale. Primo dicatur Missa, fiat sermo, commemorentur Fratres defuncti singulorum Conventuum, & reliqua usque ad scrutinium. Completum, & examinatis literis Sociorum omnes gremiales à Præsidente interrogentur, si in aliquo Sociorū aut Magistrorum sciant aliquod impedimentum, propter quod non debent habere locum: quod si reperiatur confessum, aut sufficienter probatum, statim eiiciantur, antequam ultra procedatur, facto autem prædicto scru-

tinio immediatè culpæ Priorum audiantur, & accusati-
ones Conventuum recipiantur, & depositiones testium
recitentur in omnium præsentia, sine expressione nomi-
num testificantium; nisi evidens necessitas hoc requirat:
Etsi tales sint culpæ, propter quas secundum statuta
Ordinis amississent vocem, & locum, ipso facto exclu-
dantur à Capitulo: nec Provincialis possit in eo dispen-
sare, nisi in fine Capituli de consensu Definitorum si
Statuta in casu illo eis remittant, & nulla alia pœniten-
tia eis iniungatur, donec in Definitorio fuerint eorum
culpæ pertractatæ. Statuimus autem, quod quilibet Pri-
or Conventualis portet secum sub sigillo Conventus So-
cios scientes statum domus: Scilicet rerum Sacristæ, Li-
brariæ, Comestibilium, potabilium, omnium provisio-
num quantitatem, & numerum, & breviter omnium
rerum notabilium Conventus: Et sic quæ citra Capitu-
lum Provinciale fuerint perditæ, venditæ, vel alienatæ
quovismodo, & debita omnia, tam activa, quam Passi-
va. Et in culpa sua præsentet Provinciali: Sit pœna
privatio vocis & loci. Si quis negligenter omiserit præ-
dictum scriptum, idque in Definitorio expendendum &
discutiendum est in præsentia Discreti Conventus, &
faciant Præfidens & Definidores, omnia illa inventaria
simul scribi, & Provincialis illa secum deferat in
visitatione, & Prioribus quibuslibet resti-
tuat scriptum suum.



De Electione Prioris Provincialis.

C A P I T V L V M VII.

Mortuo Priore Provinciali, assumpto vel amoto: tunc ejus vices committet Prior Generalis cui voluerit, usque ad futurum Capitulum Generale, & eum Commissarium vocabit. Nullus potest eligi in Priorem Provinciale, nisi fuerit habilis ad docendum, & simul probatæ vitæ. Nam Apostolus dicit: Episcopum oportere Doctorem esse, & hæc etiam Provincialibus congruere est æquum & honestum. Electio autem fiat Provincialis per vota secreta; eo modo & forma, quibus electio Prioris Generalis fit, & observantur omnia illa quæ ibi ponuntur, excepto, quod Provincialis est per Priorem. Generalem confirmandus, quem etiam prædictus Prior Generalis confirmare tenebitur: nisi in ipso, vel Electoribus, aut electione error evidens appareret: quem errorem ab ipso Priore Generali judicandum determinavimus. Electus autem Provincialis in literis Capituli dandis; non se Provinciale simpliciter nominet: sed electum in Provinciale. Si autem contingeret unum de Definitoribus in Provinciale eligi: tunc statim post electi pronuntiationem alius eligatur Definitor loco ejus, & si absentem contingat eligi aliquem in Provinciale; Ordinamus ut per literas sigillo communi Provinciæ sigillatas, ejus electio à Priore Generali, & Definitoribus ei insinuetur.

Reliqua

Reliqua habes in electione Prioris Generalis de Cere-
moniis, & Solennitate.

De Officio Prioris Provincialis.

CAPITVLVM VIII.

PROVINCIALIS Prior, in suis Provincijs habet authoritatem
Novitios suscipiendi, per se, vel per alios, receptosq;
admittendi ad professionem; & Professos ad Ordines
Sacros promovendi. Excommunicatos pro manuum in
fratres Ordinis violenta iniectione absolvendi: Literas
fraternitatis suæ Provinciæ concedēdi, personis pertinen-
tibus ad suam Provinciā; personaliter suam Provinciā visi-
tandi, & defectus, tam Priorū, quam subditorū corrigē-
di: Visitationē, vel correctionē per alios faciendi, si perso-
naliter accedere non valeret, & periculum cerneret immi-
nere; fratres qui in ea sunt de Conventu ad Conventum
permutandi. Poterit autē Provincialis Priores Conventu-
ales in Capitulo Provinciali absolvere: Si eorū culpa no-
tabilis, & sufficienter probata, aut cōfessa hoc requirat,
& non aliter: declaramusq; quod nec capitulum Provin-
cialē, poterit Provinciali dare licentiam deponendi Pri-
orem, & alios Officiales nostri Ordinis, sine culpis, &
pro libito; & si secus per eum Sancitum fuerit, totum vo-
lumus esse irritum & inane: excepto, quod Priores Mo-
nasteriorum potest per se suspendere ab officio: atque
etiam de consensu Definitorum privare, inferiores autem

Officiales de facto privare potest, sicut casus emer-
rit Prior tamen suspensus in Capitulo Provinciali vo-
cem habebit; nisi Pater Presidens cum iudicibus causa-
rum privatione dignum judicaverit. Excessus, pro qui-
bus Provincialis poterit privari sunt isti: Si postposito
DEI timore irreligiose vivit; vel apud Fratres seu Sæcu-
lares de aliquo notabili vitio est infamatus. Si Consti-
tutiones, & laudabiles Ordinationes, sive definitiones
Ordinis, vel Provinciæ per Provinciam servare non fa-
cit; transgressores scilicet non corrigendo; nec Conven-
tus ad earum observationes hortando, & monendo: item
si probatos manifestos, graves, & enormes Fratrum ex-
cessus, secundum Ordinis Statuta non corrigit: Si mure-
ra & dona non comestibilia, nec parvi momenti à fra-
tre aliquo, vel Conventu, seu à Communitate Provin-
ciæ, aut ab aliqua alia persona ejus, vel eorum nomi-
ne per se, vel interpositam personam acceperit; quæ o-
mnia postea Communitati Provinciæ restituere compel-
latur: Si per se, vel per alium arte vel ingenio opera-
tur; ut in ipso Provincialatus Officio remanere possit.
Si quoq; verba iniuriosa, vel contumeliosa ex Consuetu-
dine Fratribus dicere assuescit: aut si de crimine cujus-
cunque vitij carnalis, per tres, vel saltem duos Fratres
bonæ famæ, & opinionis fuerit convictus: Si in Ora-
torio & Refectorio postquam tribus diebus in loco ste-
terit cum alijs Fratribus, quasi continuus (sine manife-
sta, & evidenti necessitate) non fuerit removeatur.

De

De Electione Definitorum pro Capitulo Generali & eorum Officio.

CAPITVLVM IX.

STatuimus, ut quolibet triennio in singulis Capitulis Generalibus duo Definidores de discretioribus Fratribus, & magis idoneis à Capitulo per vota secreta eligantur à Congregatione. In hac Electione Prior Generalis (si ibi præsideat) vel ejus Vicarius in sui absentia habeant vota; & in eodem loco antequam discedant, adinvicem electionem publicent, suppressis nominibus, & qui plura vota in Electione habuerit erit primus Definitor: qui vero plura post illum, erit secundus; & sic de aliis. Si autem plures æqualia vota habuerint, teneant Ordinem suæ professionis, seu dignitatis. Prædictis autem Definitoribus dentur literæ testimoniales de Electionibus suis, & super constituendis, innovandis, & agendis in Capitulo Generali, sive Provinciali habeant potestatem Definidores cum Priore Generali, habent auctoritatem in Capitulo Generali. Priorem Provincialem antequam confirmetur examinare. Et si Prior Generalis, vel Definidores in aliquo discreparint; & in partes inæquales se dividerint, sententia plurium prævalebit, quibus Prior Generalis, vel Vicarius se coniungat. Prior Generalis, vel Vicarius ejus, & Procurator Ordinis in præsentia Capituli reddant rationem de expensis factis pro negotiis Ordinis exequendis. Similiter & Procura-

tores Generalis Capituli, & fratres ordinati ad recipiendum, & exponendum Priori Generali coram Definitoribus, & aliis fratribus quos vocare voluerit. Similiter Curati, Præpositi, Provinciales, Rectores, & alii Officiales: Eorum autoritas est audire diligenter culpas Prioris Generalis; quibus auditis determinent; an in Officio sit relinquendus. Vide de modo celebrandi Generale Capitulum. Item culpas Provincialis, & aliorum Officialium. Si non præsideat Prior Generalis, vel ejus Vicarius Provincialis coram Capitulo, dicat culpas suas, & accusationes Conventuum audiat: humiliter & devotè, mansvetèquè. Et si citra triennium Capitulum Provinciale celebretur; & Provincialis inveniatur partialis: Sic quod affectione quacunq; bonos deprimat, aut non promoveat, & malos ac indignos promoveat & exaltet, dum modo hoc evidenter pateat, proponatur coram eo; & ejus responsio audiatur: & si negaverit, probetur per testes fide dignos, & sufficientes; quorum depositionis redigantur in scriptis per Definidores. Et si ipse respondere nequiverit, & noluerit, & talia fuerint contra eum sufficienter probata; propter quæ incurrisset rebellionis, vel privationis vocis & loci, aut depositionis ab officio pœnam: ipso facto ipsi Definidores teneantur ab Officio eum remove.

De Officio & Autoritate Visitatorum, & de modo visitandi.

C.A.

CAPITVLVM X.

Visitadores cum omni diligentia, maturitate, & æquitate commissum sibi visitationis Officium studeant exercere, ac sollicitè caveant: ne alios visitando quidquã faciant, vel omittant; quod postea in eis congrua animadversione veniat corrigendum. Horum Officium est, Fratres omnes ante celebrationem Capituli semel visitare, excessusq; ac culpas omnium Fratrum: tam subditorum, quam Priorum; Secundum Ordinis Statuta, corrigere, & ad debitum modum vivendi redigere idem non patiantur. Ceremonias, & Sanctas Constitutiones negligi, ac præteriri: ut sunt verbi gratia, Contemplationes, Disciplinæ, Silentium, Ieiunium, Capitulum, Confessio, Communio, & cætera huiusmodi; quæ sic à paucis ut à multis observari possunt. Quod si Priorem Provincialem in aliquo Conventu invenerit; non poterit dictus Prior eos à visitatione prohibere, nisi iam suam Visitationem, ipse incepisset. Sequenti vero die postquam venerint, & omnes Fratres in domo fuerint aliquo absente expectet. Si videbitur expedire visitationem incipiat. Hora itaq; quæ eis oportunior videbitur, facto signo ut moris est, Omnes Fratres in Capitulum conveniant; & flexis genibus devotè dicant alternatim Hymnum, Veni Creator. &c. sine nota. Kyrie eleison & Pater noster, &c. *Ps.* Memento nostri Domine. R. Visita nos in salutari tuo. Domine exaudi, &c. Dominus vobiscum, &c. *Oremus.* Deus virtutum, cujus est totum

H5

quod

quod est optimum : insere pectoribus nostris amorem_
tui nominis; & præsta in nobis religionis augmentum:
ut quæ sunt bona nutrias, ac pietatis studio, quæ sunt
nutrita custodias. Per Christum Dominum, &c. Tunc
surgant, & Visitator dicto Adjutorium. &c. Brevem
sermonem faciat, de aliqua Spirituali, & utili materia,
si voluerit: postea Fratres admonebit de pertinentibus
ad Actus visitationis, præcipuè ne aliquis dicat inutilia,
& frivola. Deinde legat, vel legi faciat excommuni-
cationis sententiam in hanc formam. Nos Frater N.
& Frater N. hujus Ordinis Visitatores indigni. Vos
omnes & Fratres & Patres hujus Conventus, ac voti,
rogamus, hortamur, ac in Domino monemus: Primo, Se-
cundo, & Tertio; & vobis in virtute Sancti Spiritus præ-
cipimus, per obedientiam salutarem, quatenus remotis
odio, timore, amore, pretio, dicatis nobis quantum in
Domino poteritis, veritatem in omnibus, de quibus à
nobis requisiti & interrogati fueritis: quod si aliquis
vestrum hoc præsens mandatum nostrum contempserit,
exnunc prout extunc trina Canonica monitione præmis-
sa in his scriptis, licet inviti, eum vinculo excommuni-
cationis innodamus. Deinde Fratrem aliquem mode-
stum, & diligentem de Consilio Prioris pro Fratribus
vocandis nominabit; qui nomina & cognomina singulo-
rum Fratrum Conventus scripta per Ordinem cum titu-
lis graduum, Officiorum & Ordinum Venerabilibus Vi-
sitoribus præsentabit. Postquam autem inquisitionem
de omnibus quæ ad emendationem, correctionem Pri-
oris

oris atque Fratrum spectabunt, diligenter fecerint, si aliqui vocandi fuerint, ut reprehensione secreta puniantur maturè & expedite fiat. Deinde visitent depositum Conventus, Sacristiam, Cellas Fratrum: & si quid indecens invenerint, ab eis auferant: Visitent etiam loca infirmorum & hospitum. His omnibus peractis, Capitulum de Culpis faciant, à Visitatoribus dicto; Adiutorium, &c. Verbum habeat oportuna, postea dicat: Agamus de culpis, &c. Et Prior surgat, & coram Venerabilibus Visitatoribus genua flectens humiliter dicat suam culpam: Nec surgat quam diu cum eo Visitatores locuti fuerint. Deponere Priorem, vel remove, non poterunt; sed si opus fuerit suspendere ab Officio: deinde reos proclamabunt; qui si suam culpam confitebuntur, non oportet at testes publicare. Si vero quis negabit, tacito nomine prædictorum testium legent ipsi voce clara: ut ipse audiens erubescat, & confiteatur quæ commisit, deinde dignam poenitentiam subeat. Postea Subprior, pro omnibus Sacerdotibus & Patribus gravioribus dicat suam culpam: quod etiam faciat primus ex Professis pro se, & pro omnibus non Sacerdotibus, & imposita eis poenitentia dicant. Omnes genu flexi, &c. Confiteor. &c. Et Visitator faciat absolutionem generalem contritam, & concedet omnibus licentiam eligendi Confessorem idoneum & approbatum ejusdem Ordinis: qui eos infra tres dies absolvere possint ab omnibus casibus & censuris, & dicto, Adiutorium. &c. Capitulum solvant. Habeant quoque Visitatores provisionem à suis Conventibus,

tibus, sicut alii Fratres. De necessariis vero ad visitandum, à Communitate Provinciæ provideatur. Ut autem occasiones inquietudinis vitentur; & melius pax ac benevolentia cum omnibus conserventur: nemo ex nostris, nec in causis criminalibus, nec in civilibus se examinari, sine licentia sui Superioris permittat, sub pœna privationis vocis per annum. Omnia autem per Visitatores Statuta & Ordinata: tam quo ad morum reformationem, quam quo ad poenitentiam iniunctam, firma & immobilia permanebunt, nec prior Provincialis ea poterit mutare, vel minuere, vel tollere. Si quis autem pertinaciter inobediens Venerabilibus Visitatoribus repertus fuerit: poenam patiatur quæ debetur ijs, qui Priori Provinciali sunt rebelles.

De Electione Prioris Conventualis.

CAPITVLVM XI.

PRæpositi sive Priores Conventuales in Capitulo Generali quolibet triennio secundum formam Canonice eligantur per secreta vota suppressis nominibus eligentium: & qui plura vota habuerit quam omnes conjuncti, sit Prior. Et electus per Superiorem nisi occurrerit legitimum impedimentum confirmetur in hac forma: Ego N. autoritate qua fungor, te N. confirmo
Prio.

Priorem hujus Conventus Sancti MARCI Evangelistæ, secundum Ordinis instituta: tribuens tibi curam animarum omnium Fratrum dicti Conventus; & administrationem omnium bonorum. In nomine Patris & Filij, &c. Quo facto si noluerit facere Solennitatem dicat Orationes sine cantu, quæ dici solent post Electionem Prioris Generalis.

De Officio Prioris Conventualis.

C A P I T V L V M XII.

PRiores Convētales debent subditos suos admonere & corrigere, & Regulā & Cōstitutiones Ordinis Fratribus Clericis & Laicis, etiam Novitiis per se, vel per alios legere, & exponere in Capitulo, vel Refectorio, saltem quartis & sextis ferijs, aut legi facere: ita, ut ubi desierit incipiat à sequenti, ut ab omnibus intelligantur; super omnia ad observantiam, tam Regulæ quam Constitutionum, se & alios efficaciter excitare. Debent etiam suos Fratres frequenter admonere, ut modeste se gerant in Choro, & extra: ut se uniformiter inclinent, sic ut manus cancellatæ possint attingere genua, intrando & exeundo Chorum, Capitulum ac Refectorium, ac etiam ante Altare majus transeundo. Sed ubi Corpus Christi servatur, genu flectant, & humilient se: & videant, ut inclinationes faciant nudatis Caputibus reverenter, sub poena mediæ culpæ: Et breviter, ut rubricæ Ordinales,

nales, seu Ceremoniales de inclinationibus & genu flexi-
onibus devotè ab omnibus observentur. Ad horas Ca-
nonicas, temporibus, Statutis Domino DEO reddendas
in Choro & extra eos urgeat, easq; semper in Choro
pro more diei, aut cantari distinctè & devotè faciat, ,
quibus intersit, nisi sit negotio Communi occupatus. In
Refectorio cum cæteris comedat, nisi fuerit infirmus,
vel propter hospites; Tenentur etiam Priores ut supra.

Prior negligens in suo Officio, à Superioribus gravi-
ter, &c. Si damnum Monasterio non restituet depona-
tur. Teneantur etiam Priores Conventuales per se, vel
per alium custodire portam, & Conventuales suos quo-
ties visum fuerit visitare eosdem ad Chorum Refectori-
um, Capitulum regulariter sequi, & tenere computum
de receptis & expensis; & à recipientibus ac exponenti-
bus recipere, & audire præsentibus, tribus custodibus
per Conventum electis, ut aliis volentibus interesse de
bonis Communibus, per assensum Custodum prædicto-
rum ordinare, quos si in aliquo agendorum dissentire
contigerit, ad maiorem & Sanio rem partem Conventus
recurrat; & secundum eorum dictum omnia disponan-
tur. Quod si non fecerint, & negligentes fuerint, à
Superioribus graviter puniantur. Secundum exigentiam
delicti. Statuimus item quod si aliqua bona Conventus
non fuerint reperta, poena graviori Prior puniatur, donec
Conventus suum damnum recuperaverit. Nec conce-
datur quorumcunq; administratio, neque suffragetur
gradus alicujus Officij quin exequatur omnia, quæ secun-

dum

dum Regulam, & Constitutiones Ordinis debet Prior facere, præsertim pertinentia ad sequelam Chori Templi, & Refectorij. Quod si non fecerit Prior Provincialis eum deponat ab Officio, sub pœna depositionis à Provincialatu. Excessus plures invenies pro quibus Prior Conventualis poterit privari, in Officio Prioris Provincialis Capituli.


De Officio Prædicatorum.

CAPITVLVM XIII.

FRatres vero cuiuscunq; gradus & Conditionis existant ad prædicandum nisi prius examinati, & approbati, per Capitulum Provinciale non mittantur, absque licentia in scriptis illorum Superiorum, qui huiusmodi licentias facultatem concedendi habent. Cum quibus si in Ecclesijs nostris prædicaturi sunt, prius, Episcopis, aut locorum Ordinarijs se præsentent, & ab eis benedictionem accipiant. Si vero in Ecclesijs, quæ nostri Ordinis non sunt eos prædicare contigerit: imprimis non tantum benedictionem, verumetiam licentiam ibidem prædicandi obtinere teneantur. Nec id munus exercere præsumant, nisi prius ea omnia præstiterint: Quæ per Sacrum Tridentinum Concilium decernuntur. Forma autem licentiæ hæc erit: Cum te doctrinæ sanæ probatæ, & Catholicæ vitæ quoq; probitatis, & integritatis amatorem hactenus cognoverimus, in eam spem adducti sumus ut

non modo in eo quod capisti perseveres; sed etiam ar-
dentiori animo idem sis acturus: tenore præsentium,
authoritate *Reverendi* Prioris Generalis, nobis in hac
parte Commissa, potestatem tibi damus in nostris Ec-
clesiis cum benedictione, & alienis etiam de consensu
Reverendissimorum Episcoporum, in quorum Diocæsi fu-
erint Ecclesiæ, prædicandi: In nomine Patris, & Filij,
& Spiritus Sancti, Amen. Hortamur vero te quantum
possumus in Domino, & monemus ut DEVM præ ocu-
lis habeas, & solam ipsius gloriam, & populi salutem
spectes. Scandala item errores ad omnem Hæresim,
imo vel levem suspicionem prædicando evites. Quod
per te facile fiet, si puram Evangelij doctrinam ad San-
ctorum Patrum, ac Conciliorum, præcipuè Tridentini
Decreti coniciens oculos exposueris: nequè in sublimi-
tate sermonis; sed in ostensione Spiritus & virtutis præ-
dicaveris, ut sit sermo tuus & prædicatio tua: non in
potentia hominum; sed in virtute DEI datum.

Item ordinamus etiam; ut Fratres in prædicationi-
bus, nec Prophetias, nec futura præsumât determinare;
nisi expressa sint in Sacra Scriptura, vel in libro aliquo
authentico: Nec novas opiniones quæ non profunt ad
bonorum morum ædificationem, nec disputationem con-
tra se invicem, vel contra alios prædicantes faciant in
suis prædicationibus: sub pœna privationis vocis, & lo-
ci; & alijs gravioribus iuxta mensuram delicti.



De Electione Subprioris.

CAPITVLVM XIV.

STatuimus, ut à quolibet Conventu Subprior per Electionem habeatur. Et si Conventus tertia vice concordare nequiverit de Subpriorē: Prælatus præsens prout sibi placuerit poterit providere. In Conventibus tamen majoribus & studijs Generalibus per Capitulum Provinciale Subprior ordinetur: demptis reservatis Priori Generali: habeatur autem ratio, ut in Conventibus insignioribus; & præsertim ubi sunt studia Generalia, Subprior institutur ætate, & moribus gravis.

De Officio Subprioris.

CAPITVLVM XV.

OMnis autem Subprior regat in Prioris absentia, & corrigat, & alia exequatur, quæ ad regimen Conventus pertinere dignoscuntur; & defectus quoscunque infra Conventum in Prioris absentia commissos corrigat in Conventu. Poterit in Capitulo, Refectorio, Choro, & Conventu, iuvenes nundum ad Sacerdotium proVectos corrigere, etiam præsente Priore, & vidente: exceptis Novitiis, qui à suo Magistro sunt corrigendi. Si autem contingat Priorem & Vicarium absentari; & non constituerint aliquem ad dandam licentiā: Fratribus ex
13 eundi

eundi extraConventum: Volumus ut habens primam-
vocem, inter remanentes in Domo habeat auctoritatem
huiusmodi licentiam, concedendi: dum tamen evidens
necessitas hoc requirat; & in casu simili Vicarius: qui
etiam poterit Civitatem vel villam intrare sine alicujus
licentia. Si vero Prior exiverit, & nullum Vicarium
ordinaverit, Subprior manente & presente, nullus per
Conventum Vicarius eligatur. Item quando eundum
est ad Capitulum Provinciale; non poterit Prior consti-
tuere Vicarium; sed Subprior præsidebit: qui si elige-
retur in Socium Prioris, tunc Conventus deberet Vica-
rium eligere, ad custodiam Conventus: Sed tamen si
Prior aut Vicarius vadat ad Capitulum sine alio: Omnia
faciat Subprior, secundum Prioris dispositionem; nec in
aliquo usque ad suum reditum poterit aliter ordinare.
Subpriors, debent frequenter sicut & Priores Fratres
admonere, ut modeste se gerant in Choro & extra, &
inclinationes faciant reverenter: & ut Officium divinum
tractum devotè & spaciose faciant celebrari; & omnia
secundum institutum nostrum diligenter observari. Lo-
cus autem Subprioris regulariter & immediate post Pri-
orem supra omnes Sacerdotes simplices: nisi esset Pater
honoris, quia tunc debet tenere locum suæ Paternita-
tis. Item Ordinamus, ut de assensu Prioris Subprior sin-
gulis Sabbatis disponat Officia Conventus, secundum Or-
dinem Professionum & Personarum qualitatem, & tabu-
lam conficiat Ministrorum pro obsequiis Ecclesiæ: & e-
am publicè legi faciat in Communi Refectorio.

De Officio Sacristæ.

CAPITVLVM XVI.

IN quolibet Conventu Sacrista per Electionem Prioris & Conventus habeatur nisi per Capitulum Provinciale, aut Priorem Generalem provisum fuerit de eodem. Sacrista res Ecclesiasticas munde & honeste custodiat; & de Consilio Prioris Ordinet, & disponat de rebus Ecclesiæ parandis, & reparandis: ut libris vestibus, Calicibus, & aliis rebus necessariis pro Sacristia. Videat etiam diligenter ne intra Ecclesiam aliqua inconuenientia, & indecentia inueniantur: & quod bona hora & debita, porta Ecclesiæ mane & vespere, & interdiu si sit honestum: secundum diversa loca claudatur; & omnia faciat diligenter, quæ ad Officium Sacristæ spectant.

Ante omnia autem sollicitam cum tremore & reuerentia curam habeat Sanctissimi SACRAMENTI quod ab ipso semel in hebdomada reuerenter renouetur; & clausum sub custodia mundissime, & quam decentissime fieri poterit reponatur: ita, ut nulli sit liberum locum Sanctissimi SACRAMENTI aperire, excepto solo Sacrista, cui Sacra Commissa sunt. Qui clavem Ciborij sub alia clavi clausam semper teneat, semperq; plures hostias Sacratas reponat, ne si infirmum communicare contingat; Ecclesia sine Sacramento maneat. Habeat etiam in aliquo vase argenteo, vel alias decenti, oleum Sanctum pro infirmis nostris, quod suis temporibus re-


novari

novari faciat. Elèémosinas vero Officiorum & Missarum in libro scribat Sacristæ; quas in tuto loco asservet, & diligenter custodiat, ut pro utilitate Sacristiæ, & aliquando etiam Conventus expèdere possit, secundum Prioris voluntatem: dum modo de acceptis & expensis, sicut Procurator suis temporibus rationem reddat. Missæ autem celebrentur, iuxta devotionem offerentium de tali Sancto, vel de tali festivitate, & quotidie Sacrista faciat computum Missarum dictarum; ut à numero dicendarum deleantur.

In Sacristia toto tempore celebrationis Missarum silentium servari faciat. Habeat curam de tectis reparandis: ne unquam pluât in Ecclesia, vel Sacristia. Aquam ad lotionem manuum volentium celebrare & ministrare curet, & mantilia munda ad extersionem manuum: alia pro Sacerdotibus, & alia pro non Sacerdotibus. Provideat etiam de particulari Piscina in Sacristia vel Ecclesia; in qua lotiones rerum Sacrarum mittantur, quæ munda & honesta custodiatur: & in eam nulla alia ablutio mittatur. Item provideat ut Hostiæ sint pulchræ in pixide decenti, & vinum purum, & mundum, & aqua recens & munda in ampullis bene purgatis & nitidis, calices, vestimenta, Missalia, flabella tempore muscarum; & omnia alia necessaria pro Missis celebrandis, semper habeantur in promptu, & in certis & competentibus locis inveniantur & reponantur. Debet etiam habere curam, ut omnia vasa utensilia, & albæ atque Cottæ, Tobaliæ, Altarium, Corporalia, & Mantilia, & alia quæcunquè
linea

linea sic frequenter laventur in usus Altarium & Ministrorum; ut semper inveniantur munda, & nitida; & præcipuè ea, quæ sunt circa altaria, quæ non sufficit medicriter esse munda; Corporalia & panni pro absterfione calicum lavanda sunt separatim ab aliis, & ablutio illa in piscinam Sacram est fundenda. Cum autem consumpta fuerint vetustate, comburantur; & cineres in eandem piscinam mittantur. Debet etiam cavere paramenti & ornamentis à putrefactione, & corrosione, quare interdum ad solem & aërem exponat, ut à tineis præseverentur; arque etiam curam habeat, ut ad minus semel in anno omnia dissuta relarcentur; & læsa in aliquo, sive vasa sint, sive paramenta reparentur. Non tamen vetera & minus utilia vendere vel distrahere debet inconsulto Priore, & Patribus Consilij: & si fieri potest hoc etiam fiat de scitu illius, cujus sumptibus & expensis illa fuerunt facta, & si vendantur: eorum pretium in aliquid utile pro ipsa Sacristia commutetur. Habeat etiam ibidem in Sacristia in tabula aliqua clarè & distincte scriptas obligationes omnes perpetuas Missarum, Officiorum, & Anniversariorum: quas Fratres illius Conventus adimplere tenentur. Apud Vicarium verò, sive Subpriorem sit Capsa, in qua servantur pecuniæ Monasterij quocunq; modo habitæ seu Collectæ; sub duabus clavibus pariter differentibus: quarum altera apud Procuratorem, & altera apud Superiorem remaneat. Hujusmodi tamen Capsa habeat foramen, per quod imitantur pecuniæ: quæ seu in toto seu in parte non extrahantur.

trahantur, neque immittantur; nisi cum præsentia Prioris, Subprioris & Procuratoris: & tunc non nisi pro usibus necessariis Monasterij. Bona autem quæ ad Sacristiã pertinent absque Provincialis & Definitorum licentia inscriptis habita, nullatenus distrahantur, vendantur, aut pignori dentur, nec etiam commodentur absque licentia Prioris & Patrum Consilij. Quam licentiam non concedant nisi rationabili causa subsistente. Bonorum Sacristiæ duo Inventaria fiant: quorum unum sit in depositorio Conventus, ut per illud Provincialis, & Visitatores Sacristiam possint visitare, vel Prælati. Aliud juxta se teneat Sacrista: cui semper adiungat quidquid denuo factum fuerit. Caveat autem ne aliquid perdatur; sed potius laboret: ut in dies semper aliquid accedat. Postremo, quia in magnis Conventibus difficile est omnia supradicta ab uno executioni mandari; Sacristæ detur Socius, & inter se sic dividant supradicta: ut per eos sciente utroq; quid ad se pertineat, fiant ordinatius universa. Item Ordinamus; ut fiat Inventarium omnium Privilegiorum, scripturarum, & jurium Monasterij, quæ servantur in testitudine Sacristiæ in aliquo Scrinio, & loco tuto, sub duabus clavibus differentibus quarum una penes Procuratorem Monasterij; & alia penes Superiorem retineatur.



TERTIA DISTINCTIO CONSTITVTIONVM.

De Officio Procuratoris Conventus.

CAPITVLVM I.

Quilibet Conventus Nostri Ordinis: in quo præter Priorem fuerint ad minus duo fratres, de familia habeat Procuratorem, qui sit quoad fieri potest maturus, sobrius, parcus; non turbulentus, non tardus, non prodigus, & dissipator substantiæ Conventus, nec etiam avarus. Super omnia autem charitatem habeat ad omnes & cum non poterit opere ad minus, verbo fratribus satisfaciat. Quia scriptum est, sermo bonus super datum optimum. Sit præcipuè bonæ vitæ & famæ ne dum bonis temporalibus providetur, quicquam de pereat de bono nomine, & honore Monasterij: qui longe & incomparabiliter pretiosior est, quibuscunque commodis temporalibus Procuratoris Officium est sollicite & diligenter inquirere: quid Conventui in Refectorio, quid Mensæ hospitum, quid necessitati expediat infirmorum, & charitativè providere, ne quantum in eo fuerit, & facultas domus permiserit, Fratres infirmi sive

fani fuerint, incommodum patiantur. Sed hoc de voluntate Prioris tacita vel expressa faciat, sine qua etiam aliquid expendere in Commune bonum ei non licet. Hic tempore silentij cum Infirmario, Forestario, Coco, Cellario, & famulis domus, de his quæ necessaria fuerint loqui poterit, discretè tamen: ne concessa sibi potestate videatur abuti. Ejus etiam Officium est providere, quomodo possessiones Conventus meliorentur, & augmententur; & omnia quæ quocunq; modo Conventui obveniunt exigere, ac Prioribus & Depositarijs consignare in deposito, facere etiam omnes expensas, nisi forte circa Sacristiam, vel ædificia Priori aliter visum fuerit. Item ipsius interest, quæ emenda sunt tempore suo emere, similiter vendere; quæ fuerint vendenda: quod magnam cum cautela faciendum est, ne scandalum oriatur. Visitet etiam sæpè possessiones Conventus, & Patribus Consilij significet; quot & qualia sint bona, quæ possidet Monasterium; & quamvis circa multa turbari & sollicitari debeat; Silentium tamen, & quietem Cellæ non penitus abijcere debet: verum quantum Domus negotia patientur, ad Cellam tanquam ad tutissimum & quietissimum locum recurrat: ut legendo, orando, meditando, turbulentos animi sui motus, ex rerum exteriorum cura, vel dispositione surgentes, se dare possit. Procurator etiã de manibus Superiorum pecunias accipiat pro Monasterij usibus; & habeat tres libros in quorum uno notet quantitatem quæ illi ad effectus supradictos per dictos Patres quoties opus fuerit consignabitur. In altero fideliter &
lingua

lingua latina describat redditus Monasterij, & Elèémofynas, & oblationes, quæ singulis diebus colligentur, & erogabuntur. Et in tertio notet expensas, quas ad usum Monasterij & Fratrum fieri contingerit. Habebitquæ curam suppellectilis Monasterij: quam in Inventarium quamprimum redigere curabit. Qui Procurator trimestri Capitulo rationem administrationis reddere teneatur.

De Studentibus.

CAPITVLVM II.

STatuimus, & decernimus ne aliquis ad studia admittatur: neque pro studente ullo modo habeatur; nisi primum fuerit in Grammaticalibus disciplinis sufficienter instructus, quæ sufficientia cognita habeatur: ut cum tempus advenerit, quo is instudentium numero esse poterit prius coram omnibus Patribus & singulis in eo Gymnasio profitentibus diligenter examinetur. Prior autem, sicut honorem & statum diligit; sic studium ardentius & solícite foveat, & studentibus pius & favorabilis semper adsistat; & ad hæc suos Conventuales inducat, & urgeat. Curet etiam Prior in quolibet Conventu, ut studiosi nostri Ordinis, Primis Missis Conventualibus, Vesperis, & Completoriis semper intersint: Matutinum autem diebus Dominicis, & festis Semiduplicibus, & aliis maioribus semper in Choro cum aliis Fratribus cantent: Aliis vero diebus matutinum, & alias horas Ca-

Canonicas in Capitulo suo, seu in Scholis diligenter & sollicitè dicant. Lectores etiam unum ex illis Studentibus melioris vitæ famæ, atque opinionis aliis Studentibus proponant, ad cuius mandatum omnes ad matutinum & alias horas Canonicas dicendas surgant, & conveniant, & in studio vigilent, & ad dormiendum tardiores fiant & ille qui sic Præpositus fuerit alios sollicitet continue ad insistendum studia, & ad reddendum horas Canonicas DĒO, & ad assisistendum reverenter & devotè Priori in ijs, quæ pertinent ad honorem Ordinis; & ad bonum statum loci, & præfatis studiosis. Prior secundum possibilitatem loci vestimenta Monastica: scilicet tunicam, Scapularia, Caputia, Cappas, Camisias, calceamenta, libros, & alia necessaria diligenter provideat.

De Eleëmosyna & Quæstu.

CAPITVLVM III.

STatuimus, ut Fratres terminarij visitantes terminos & facientes quæstus, tenentur integro revelare, & præsentare Prioribus suis, & tribus Custodibus Conventus ea quæ de quæstibus suis, seu procurationibus in terminis acquisierunt, & nomina dantium Eleëmosinas notabiles, sub poena Carceris. Quicunq; autem Eleëmosynam ex Fratribus Ordinis Nostri cuiuscunq; generis pro Missa vel Missis dicendis; vel aliquo alio Officio celebrando

brando receperit ab aliquo præcipimus in [virtute Sanctæ Obedientiæ, ut infra Viginti quatuor horarū spatium postquam ad Monasterium pervenerit teneatur eam Priori vel Sacristæ integrè exhibere: qui contra fecerit, transacto termino Viginti quatuor horarum, quinque diebus in terra sedens, in pane & aqua jejundet; & iidem diebus recipiat disciplinam, & Eleemosinam resignare penitus compellatur. Prior autem vel Præsident ad manus acceptam publicabit eam, omnibus Fratribus ad Mensam sedentibus: vel in Capitulo, vel in alio loco pro tempore; & communem Orationem Fratribus pro benefactoribus nostris injunget.

*De Honestate servanda extra.
Monasterium.*

CAPITVLVM IV.

Quia certum est, quod sicut vera & fervens Charitas in conspectu DEI est: sic Religionis honor & decus in intuitu Sæcularium & spectantiū consistit aspectu. Idcirco Ordinamus, ut Fratres exeuntes Monasterium cujuscunq; Gradus & Conditionis existant; non exeant, nisi petita venia à Priore, & obtenta, & sic incedant bini, & æqualiter ambulantes, ea cum honestate & modestia: Vt populus ex incessu eorum, exemplo & colloquio ædificetur bene; & ut omnes portent Capucium extra Conventum,
sub

sub poena privationis loci, & vocis, locum & vocem habentes: Reliqui autem sub poena unius disciplinæ. Item. Ordinamus, præcipimus, & Mandamus: ut nullus Frater possit aliquomodo exire Monasterium, præterquam bis in hebdomada, & hoc faciat cum interpellatione dierum; & semper cum Socio sibi à Priore designato: nisi in his adsit necessitas per Subpriorem. Advertant autem Priores, ut sic accomodent Socios; ut ipsi etiam Laici plures non exeant: Exeuntes autem Fratres petant benedictionem, & reversi præsentent se Priori; iterum benedictionem habituri. Diebus autem Dominicis, & Festis majoribus, nullo pacto volumus, ut etiam à Priore quispam possit veniam exeundi obtinere. Non licet enim ut diebus DEO Sanctisq; dicatis, quibus ipsi etiam Sæculares desistunt ab opere. Religiosi non assidue Ecclesiæ serviant, & dent operam Sacris, nisi forte urgens aliqua exeundi necessitas alicui intervenerit, quam tamen Priori committimus dignoscendam, nunquam tamen sine Socio cuiquam in aliquo casu exire licebit.

De Domibus Concedendis.

CAPITVLVM V.

Nulla Domus concedatur nisi à Priore Provinciali, & à Definitoribus Provincialis Capituli fuerit postulata, nec concessa ponatur: nisi ubi Prædicti Definitores viderint expedire. nullus audeat instare, vel rogare pro
bene:

beneficijs, suis consanguineis obtinendis. Item, nulla domus transferatur de Provincia ad Provinciam: nisi à Capitulo fuerit approbatum. Ordinamus etiam, ut nulli Civium nostrorum vel subditorum nostrorum Privilegia advitalitatis sine Capitulo Generali, vel Provinciali omnino dentur, sub pœna excommunicationis, & privationis cujuscunque modi sit ille Superior, vel Officialis ab Officio, & beneficio tam activæ vocis & passivæ.

De Receptione ad Religionem.

CAPITVLVM VI.

IN quolibet Conventu tres Fratres eligantur idonei de Communi Consilio Capituli: qui recipiendos iuniores, & scientiam diligenter examinent; & examinationes Priori & Capitulo referant: eorum iudicio an recipi debeant relinquendo. Qui dum adducti fuerint in Capitulum, in medio se prosternant. Interrogati vero à Prælato, quid quærant respondeant: Misericordiam DEI, & vestrum quibus ad iussu Prælati erectis, exponat eis austeritatem Ordinis; voluntatem eorum requirens, qui respondeant se velle cuncta servare. Ille autem dicat post cætera: Dominus qui incæpit ipse perficiat. Conventus respondeat. Amen. Tunc depositis Secularibus vestibus, Religiosis præter Crucem Scapularis: quæ non ponitur, nisi in eorum professione in nostram Societatem in Capitulo recipiatur. Verumtamen antequam

Stabilitatem, & Communem vitam promittant; & obedientiam Prælati, & Successoribus suis faciant; tempus usque ad annum eis probationis assignetur. Nullus recipiatur, nisi requisitus, an conjugatus sit iuxta formam Constitutionis, de Recipiendis. SIXTI V. ac moderationem SS. Domini CLEMENTIS VIII. M. DC. III. an Servus, an ratiotimis obligatus, alterius possessionis; vel occultam habeat infirmitatem, an legitime natus: nam ad Religionem nostri Ordinis nullus admittatur, qui ex honestis parentibus non sit natus, quo spiritu, qua mente, ac voluntate id regularis vitæ genus elegerit, quem sibi finem proposuerit? num zelo melioris frugis ac perfectionis vitæ, & ut DEO, ac D. N. liberius famulari possit. An potius levitate, vel humano aliquo affectu, aut inordinato animi motu ducatur; & an eorum parentes, ope & subsidio ipsiq; indigentes destituantur. Nullus recipiatur in Fratrem Clericum; nisi à Priore Provinciali, vel ab eo, cui super hoc licentiam dederit specialem, vel à Priore Conventuali, cum assensu totius; vel majoris partis Capituli. Conversum verò non recipiat Priori Provincialis: nec aliquis de ejus licentia nisi cum consensu Conventus; nec Conventus aliquis recipiat Conversum sine licentia Prioris Provincialis. Nullus Conversus recipiatur; nisi post vigesimum ætatis suæ annum. Novitij quotidie Missæ Sacrificio intersint: & Statutis Horis, in Choro, Nocturnis diurnisq; Officijs assistant. Superior cuilibet Conventus, aut Monasterij, in quo Novitiatus fuerit Constitutus, particularem librū habeat:.

habeat: in quo uniuscujusq; Novitij professionē inscribat; illamq; Novitius professus propria manu, & duo testes, qui praesentes fuerint subscribant. Conversus vero literarum ignarus professus, in eorundem testium, qui se subscripserint praesentia propria manu signum Crucis apponat, asserveturq; liber; & custodiatur in Archivio, ubi scripturae ad Monasterium, seu Conventum pertinentes reponi consueverunt.

De Novitijs & eorum Instructione.

C A P I T V L V M VII.

PRior Magistrum Novitiis diligentem, ad instructionem eorum praeponat, qui eos doceat de Ordine in Ecclesia, excitet; & ubicunque se negligenter habuerint, verbo, vel signo quantum poterit emendare, emendet. Necessaria prout potest debet eis procurare. De apertis negligentijs cum petierint, paenitentiam dare; vel eos in suo Capitulo proclamare, humilitatem cordis & corporis doceat eos habere, iuxta illud: Discite à me quia mitis sum & humilis corde. Frequenter integrè, purè, & devotè doceat confiteri, sine proprio vivere; & propriam voluntatem deferere. Ad voluntatem Praelati sui obedientiam promptam in omnibus habere: quomodo, ubique, & in omnibus debeat se gerere, ipsos debet instruere, quem locum sibi assignatum ubique tenere debeant: quomodo sibi danti aliquando, vel auferenti ali-

ti aliquid, vel benedicienti, vel reprehendenti Caput inclinare debeant, qualiter se in cubiculis gerant; ut oculos sublimes non habeant, quomodo orent, & quam silenter: ne aliis strepitu distractionem faciant, quomodo venia in Capitulo, & ubicunq; reprehensi fuerint à Prælato sit petenda. Si quis autem Fratrem suum aliquando scandalifaverit: tam diu ante pedes ejus iaceat prostratus, quousq; placatus erigat eum. Instruendi etiam sunt Novitij: ut cum nemine contendere præsumant; & in omnibus Magistro suo obediant. In Processione Socium sibi Collateralem quisq; attendat, & non loquatur locis & temporibus interdictis, neminem penitus judicent. Sed si quæ ab aliquo fieri videant; licet mala videantur: bene tamen interpretentur, vel bona intentione facta. Sæpè etenim humanum fallitur judicium: non loquantur de absente, nisi quæ bona sunt. Disciplinas frequenter suscipiant, & sedendo diligenter, libros, & vestes, & res alias Monasterij custodiant; si quod petatum fuerit ab uno Priore, non petatur ab alio, nisi causa exposita; sed nec si à majore petierint, vadant ad minorem. Item, Confessiones Novitorum, ante professionem recipiantur; & diligenter de modo Confessionis instruuntur. Item, Novitij ante Professionem debitis se expediant; & omnia alia ad pedes Prioris ponant: ut se ex toto absolvant. Similiter omnes Fratres singulis annis, semel omnia sibi Commissa, Prioribus suis exponant, pariter & exhibeant eorum dispositioni relinquendo. Item, Novitij infra tempus probationis suæ: Psalmodiæ & Officio divino studeant

studeant diligenter. Item, infra annum ad longinquas partes nisi ob causam necessariam Novitij non mittantur; nec in aliquo Officio occupetur; nec vestes eorum ante profelsionem alienentur. Item, Novitij non interfint Capitulo: nec in dormitorio cum aliis Fratribus iaceant; ubi commodius hoc poterit observari. Sed Magister eorum culpas extra Capitulum audiat: ipsos ubi poterit in moribus instruat, & charitatè corripiat.

De Modo induendi Novitios.

C A P I T V L V M VIII.

Convenientibus primum Fratribus in unum universis: illos qui induendi sunt iubeant coram Altari prosterni; & Fratres similiter flexis genibus dicant hos Psalmos. Conserva. &c. Iubilate DEO omnis terra. &c. Quam dilecta &c. cum Gloria Patri. &c. Quo finito, ita ut sic genibus provoluti, dicant has

L I T A N I A S:

Kyrie eleyson, Christe eleison, Kyrie eleyson.
Christe audi nos, Christe exaudi nos.

Pater de Cælis DEVS,

Fili redemptor mundi DEVS,

Spiritus Sancte DEVS.

Sancta TRINITAS unus DEVS,

Sancta MARIA,

Sancte Pater AVGVSTINE,

L3

Miserere nobis.

Miserere.

Miserere.

Miserere.

Ora pro nobis.

Ora pro nobis.

Omnes

Omnes Sancti Beatorum Spirituum Ordines. Orate.
 Omnes Sancti Patriarchæ & Prophetæ. Orate.
 Omnes Sancti Apostoli & Evangelistæ. Orate.
 Omnes Sancti Martyres. Orate.
 Omnes Sancti Confessores, Orate.
 Omnes Sanctæ Virgines, & Viduæ. Orate.
 Omnes Sancti & Sanctæ DEI, Intercedite pro nobis.
 Propitius esto, Parce nobis Domine.
 Ab immunditia mentis & corporis, Libera nos Domin.
 Ab omni peccato, Libera.
 A damnatione perpetua, Libera.
 Ab omni malo, Libera.
 Per Mysterium Incarnationis tuæ. Libera.
 Per Passionem, Resurrectionem, Ascensionem tuam. L.
 Peccatores, Te rogamus audi nos.
 Vt pacem & concordiam, & tranquillitatem nobis dones.
 Te rogamus audi nos.
 Vt hunc famulum tuum in castitate vera & paupertate
 perseverare facias, Te rogamus audi nos.
 Vt augmentum fidei, spei, & Charitatis nobis dones, Te.
 Vt omnibus fidelibus defunctis requiem æternam dona-
 re digneris, Te rogamus audi uos.
 Vt nos exaudire digneris, Te rogamus.
 Fili DEI, Te rogamus.
 Agnus DEI qui tollis peccata mundi, Miserere nobis.
 Christe audi nos, Christe exaudi nos.
 Kyrie eleyson, Christe eleyson, Kyrie eleyson.
Pater noster &c.
Sal.

Salvum fac servum tuum. Deus meus sperantem in Te.
Mitte ei auxilium de Sancto; & de Sion tuere eum,
Nihil proficiat inimicus in eo.
Et filius iniquitatis non apponat nocere ei.
Esto ei Domine Turris fortitudinis,
A facie inimici.
Domine exaudi. &c. Dominus vobiscum. &c.

Oremus.

DEVS, qui per Coæternum tibi filium tuum cuncta creasti: quiq; mundum inveteratum per Mysterium Sanctæ Incarnationis ejus renovare dignatus es: te suppliciter exoramus, ut ejusdem Domini nostri gratia super hunc famulum tuum abrenuntiationem sæculi profitentem respicere digneris; per quam in Spiritu mentis suæ renovatus, veterem hominem exuat: & novum, qui secundum DEVM Creatus est induere mereatur. Per eundem Christum, &c.

O R A T I O.

Domine IESV Christe, qui es via, sine qua nemo venit ad Patrem: quæsumus benignissimam Clementiam tuam, ut hunc famulum tuum à carnalibus desideriis abstractum per iter disciplinæ regularis deducas in Cælum. Et qui peccatores vocare dignatus es dicens: Venite ad me omnes qui laboratis & onerati estis, & ego reficiam vos: præsta ut hæc vox imitationis tuæ; ita in eo convalescat, quatenus peccatorum onera deponens, & quam dulcis es gustans, tua refectione sustentari mereatur.

Vt

Vt sicut tuis ovibus eum afficere dignatus es; agnosce eum inter oves tuas: ac ipse te ita cognoscat, ut alienum non sequatur, neque audiat vocem alienorum; sed tuam quæ dicit: Qui mihi ministrat, me sequatur. Qui cum Pater, &c.

O R A T I O.

SANCTE Spiritus: qui te DEVM ac Dominum revelare dignatus es mortalibus; immensam pietatis tuæ gratiam postulamus: Vt sicut ubivis spiras sic & huic famulo tuo affectum devotionis indulgeas; ut qui tua Sapientia est conditus, tua providentia gubernetur: quem juxta consuetam tuam gratiam unctione tua digneris. Et per intercessionem Beatissimæ & Gloriosissimæ Virginis MARIÆ. Et Apostolorum Petri & Pauli & Patris nostri AVGVSTINI, Michaelis Confessoris Inclyti, & aliorum omnium Sanctorum, fac eum à vanitatibus seculi veraciter converti. Et sicut es omnium peccatorum remissio: ita deprimentes impietatis obligationes in eo dissolve; & ad observantiam hujus Sancti propositi fac eum ita fervere: ut in tribulationibus & angustiis tua indeficiente consolatione valeat respirare: Vt qui per veram humilitatem, atque obedientiam in fraterna Charitate fundatus: quod te donante promittit felici perseverantia præstare valeat. Qui cum DEO Patre, &c.

Præcipimus autem omnibus Prioribus, ut Professio non fiat ante decimū sextum annum: sed eo expleto post susceptum habitum per annum in probatione steterit; tunc denuo ad professionem admittitur, juxta SS. Tri-

den-

79
dentinum Concilium. Novitiorum autem vestes in eorum professione, Cruce in Scapulari posito benedicantur hoc modo. *ψ.* Ostende nobis Domine misericordiam tuam. Et salutare. &c. Domine exaudi. &c. Dominus vobiscum. &c.

O R A T I O.

Oremus.

Domine IESV Christe, qui tegumentum mortalitatis nostræ induere dignatus es: Obsecramus immensæ clementiæ, & largitatis tuæ abundantiam: ut hoc genus vestimentorum, quod Sancti Patres ad innocentia & Sanctitatis indicium ferri sanxerunt: ita benedicere digneris; Ut hic famulus tuus, qui eo usus fuerit indumento, te induere mereatur Christum Dominum nostrum. &c. Deinde aspergantur vestes aqua benedicta. Tunc Superior iubeat eum surgere, & exuere eum ultimam vestem & dicat: Exuat te Dominus veterem hominem cum actibus suis. Sacerdos induens eum habitu Religioso dicat. Induat te Dominus novum hominem, qui secundum Deum creatus est in iustitia, & Sanctitate veritatis. Amen

Tunc dicant Psalmum: Levavi oculos meos. &c. Cum Gloria. &c.

O R A T I O.

Adesto Domine supplicationibus nostris: ut hunc Famulum tuum benedicere digneris: cui Nomine Tuo Religionis imponimus habitum; ut te largiente devotius in Ordine persistat, & vitam æternā consequi mereatur. Per Christum. &c.

M

Modus

Modus Faciendi Professionem.

PRimo sedeat Prior, & cæteri post eum, & Novitius accipiat Regulam Sancti Patris nostri AVGVSTINI; & deponat eam apertam in manibus Prioris; & ponens manus suas super eam, in manibus Prioris profiteatur hoc modo. Ego N. Facio Professionem & promitto Paupertatem, Castitatem, & Obedientiam DEO: & Beatæ MARIÆ, & Beato AVGVSTINO, & tibi N. Priori Generali Ordinis Fratrum de Pœnitentia Beatorum Martyrum, & Successoribus tuis: Secundum Regulam Beati AVGVSTINI. Et Constitutiones Ordinis Fratrum Beatorum Martyrum; & ero obediens tibi, tuisq; Successoribus usque ad mortem. Cum autem Priori alij cuicunque facienda erit, sic facienda est. Ego N. Facio professionem, & promitto Paupertatem, Castitatem Obedientiam DEO, & Beatæ MARIÆ, Beato AVGVSTINO: & tibi N. talis loci vice Generali Ordinis de Pœnitentia Beatorum Martyrum. &c. Prior dicat. Et Ego autoritate qua fungor accepto professionem tuam; & unio te Corpori Mystico Nostræ Sacræ Religionis, & Filium facio hujus Conventus nostri. N. talis loci. In nomine Patris ✠ & Filij, ✠ & Spiritus ✠ S. Amē.

Deinde Prior aspergendo eum aqua benedicta, dicat: Pater noster. Et ne nos inducas. Et Ver. Immola DEO Sacrificium laudis; Et redde Altissimo vota tua. Domine exaudi. &c. Dominus vobiscum, &c.

ORE.

Oremus.

OMnipotens sempiternè DEVS, qui renuntiantibus seculo, mansiones paras in Cælo: dilata Fratrum nostrorum corda Cælestibus bonis; ut fraternæ teneantur compagine Charitatis: Vnanimè præcepta custodiant, sobrii, simplices, & quieti. Concordet illorum vita cum nomine; ut protectionis tuæ muniti præsidij, quod te donante incipient, fervente ad ea; quæ perseverantibus in te promittere dignatus es pertingere mereantur. Per Dominum nostrum. &c. Amen.

De Laicis & Conversis.

CAPITVLVM IX.

ORdinamus, ut in Conventibus nostris sit conveniens numerus Fratrum Laicorum & Conversorum: qui Clericis cum opus fuerit inserviant. Obsequiisq; vilioribus Conventuum occupentur, iuxta dispositionem Præfidentis: & non recipiantur ad habitum nostrum, nisi prius recte sciverint. Pater noster, Ave MARIA. &c. & Credo. Laici ubicunq; fuerint, sive in Conventu sive extra semper faciant Fratribus Clericis reverentiam, & præcipuè existentibus in Sacris Ordinibus; sed potissimè Sacerdotibus, eis humiliter respondendo, & cedendo: sub pœna gravioris culpæ (quoties deprehensi fuerint) infligendæ. Fratres vero Laici non portent Coronam;

laborent non solum intra Conventum, sed etiam extra,
quilibet in arte sua & opere suo: vel quocunque alio,
sub pœna inobedientium eis infligenda: Quod etiam
& de Conversis intelligi volumus.

De Levi Culpa.

CAPITVLVM X.

LEvis culpa est. Si quis mox ut signum datum fuerit;
non relictis omnibus cum matura festinatione differat
se præparare ut ad Ecclesiam Ordinate & Compositè quan-
do debuerit veniat. Si quis ad Gloria Patri &c. Primi Psalmi
non affuerit; & ad gradus Altaris non satisfecerit. Si
quis in Choro male legendo, vel cantando offenderit:
& non statim se coram omnibus humiliaverit. Si quis
divino non intentus Officio vago aspectu, & motu irre-
ligioso levitatem mentis ostenderit. Si quis in Ecclesia,
vel in dormitorio, vel in Cellis aliquid inquietudinis fe-
cerit. Si quis in Choro riserit, vel alios ridere fecerit.
Si quis lectionem Statuto tempore non præviderit. Si
quis cantare, vel legere aliquid prælumpserit; quam-
quod Communis usus probat. Item levis culpa est. Si
quis in prædicationem vadens otiosa locutus fuerit, vel
legerit. Si dissolute ridens, cachinnis vel ludis, dictis,
vel tactis alios ad ridendum concitaverit. Si oculos va-
gos, per plateas, vel villas eundo ad vanitates, frequen-
ter direxerit. Si quis in vigilia Anuntiationis, & Nati-
vitat

vitatis Domini, in principio Capituli per negligentiam non affuerit: ut pronuntiatis nostræ redemptionis exordijs, corde & Corpore gratias agat DEO Redemptori. Si quis de via veniens, eadem hora si fieri potest, benedictionem accipere neglexerit; vel absque ea plus una nocte moraturus exierit. Si quis ad lectionem dormierit. Si temporibus Statutis cum aliis lectionem auditurus non affuerit. Si quis vestem suam vel libros loco Statuto honeste non deposuerit, vel negligenter tractaverit. Si libros interdictos legerit. Item levis culpa est, Si quis Ecclesiæ, vel Altaris ornamenta negligenter tractaverit. Si indumenta data fartri, vel concessa, sine Prioris licentia per se ab aliquo acceperit, Si aliquid utensilium fregerit, vel perdiderit. Si quid cibi, vel potus ebiberit, vel effuderit. Si liber in quo legendum est cujusquam negligentia defuerit. Si quis dixerit aliquid, vel egerit; Vnde offendantur Fratres. Si quis cibum, vel potum absque benedictione sumpserit. Si quis in Conventu hora qua debet venire distulerit: Si quis ad Capitulum vel Collationem non venerit; vel communi refectiioni non interfuerit. Si quis Commune mandatum dimiserit. Si quis eum à quo manifestatus fuerit eodem die quasi vindicando manifestare præsumpserit. Si quis manifestans in proclamatione suum iudicium fecerit. Item levis culpa est, si quis cum juramento, ut in loquendo fieri solet aliquid negaverit, vel affirmaverit. Si quis turpem sermonem, vel vaniloquium dixerit, vel quod gravius est in usu habuerit. Si quis eorum qui

Officiis sunt deputati in aliquo negligens repertus fuerit: ut sunt Priores in Conventu custodiendo, Magistri in docendo, Studentes in studendo, Scriptores in scribendo. Cantores in Officiis suis. Procuratores in procurandis exterioribus. vestiarius in providendis vestibus & custodiendis, & reficiendis. Infirmorum custos in valetudinariis, vel infirmis custodiendis, & procurandis; & Mortuis necessaria ministrando. Et cæteri in Officiis suis, ut iniunctum est eis. Clamantis vel proclamantibus se de supradictis detur pænitentia Secundum quod Prælati videbitur.

De Gravi Culpa.

CAPITVLVM XI.

GRavis culpa est, si quis in honeste in audientia Sæcularium cum aliquo contenderit. Si Frater cum Fratre intus vel foris lites habuerit. Si quis alicui Fratrum opprobrium dixerit. Si quis mendacium de industria dixisse deprehensus fuerit. Si quis silentium non tenere in consuetudinem duxerit. Si quis culpam suam vel alterius defenderit. Si quis clamans in proclamatione sua iurgium fecerit. Si quis in illum à quo proclamatus est vel in quemlibet alium maledicta seu inordinata verba vel irreligiosa maliciôsè invexerit. Si quis Fratri præteritam culpam pro quâ satisfecerit impugnauerit. Item Gravis culpa est, si quis mala de Patribus, vel Fratribus
vel

vel de moribus suis malitiosè evomuerit, quæ testimo-
nio Fratrum tuorum probare nequiverit, Si quis absque
licentiâ & magna necessitate equitaverit, vel Si quis pro-
cedens ubi faminæ sunt oculum fixerit. Si tunc hoc in
usu habuerit vel cum famina solus non de Confessione-
bus vel honestis locutus fuerit. Si quis jejunia ab Eccle-
sia instituta fregerit sine causa & licentiâ pro hujusmodi
culpīs ex his similibus veniam petentibus, & non pro-
clāmati, tres correctiones in Capitulo dentur, & tres
dies in pane & aqua jejunent clāmati vero una dies &
una correctio superaddantur. Præter hoc ei Psalmi &
veniæ secundum quod discretioni Rectoris visum fuerit:
pro qualitate culparum injungantur. Eadem pœna digni
sunt qui postquam missi fuerint, sine licentiâ reverti præ-
sumpserint vel ultra terminum sibi assignatum moram fe-
cerint, sine rationabili causa. Vel si quis pro victu &
vel qualibet alia re murmuraverit, caveat autem quilibet
Frater ne proclamet aliquem in Capitulo de crimine nisi
possit probare, quod si accusatus negaverit, & accusans
in probatione defecerit secundum exigentiam culpæ gra-
vius puniatur ne autem vitia occultentur Prælato suo de-
nuntiet, quod viderit vel audiverit.

De Graviori Culpa.

CAPITVLVM XII.

GRAVIOR culpa est: Si quis per Contumaciam vel ma-
nifestam

nifestam rebellionem inobediens Prælato suo extiterit, vel cum eo intus vel foris proterve contendere ausus fuerit, si quis crimen Capitale commiserit. Si quis procuraverit quod ipse vel aliquis alius eximatur, à Potestate Prælati sui. Si quis rem sibi collatâ maximè celaverit. Quem Pater AVGVSTINVS furti iudicio dicit esse condemnandum. Si proclamatus convictus fuerit sponte surgat, & veniam petens sceleris sui immanitatem lamentabiliter proferat, & denudatus, ut dignam accipiat pœnitentiam vapulet, quantum placuerit Prælato. Et sit omnium Novissimus in Conventu, ut qui culpam perpetrando, non erubuit membrum Diaboli fieri ad tempus ut resipiscat sequestretur à consortio ovium Christi. In Refectorio quoq; ad communem mensam cum cæteris non sedebit, sed in medio Refectorij super nudam terram comedet, & providebitur ei seorsim panis grossior, & potus aquæ, nisi Prælatus ei per misericordiam, aliquid impendat. Nec reliquiæ prandij sui cum aliis admisceantur, ut cognoscat seipsum ita sequestratum esse à Consortio aliorum, quod privetur: nisi per pœnitentiam redeat Consortijs Angelorum. Ad horas Canonicas & ad Gratias post comestionem ante ostium Ecclesiæ transeuntibus Fratribus prostratus iaceat, dum intrant & exeunt. Nullus vero audeat se coniungere illi, vel aliquid mandare. Prælatus tantum ne in desperationem labi possit mittat ad eum qui est in Graviori culpa seniores, qui commoveant eum, ad pœnitentiam provocent ad patientiam, foveant per Confessionem, hortentur ad satisfacti-

risfactionem adiuvent per suam intercessionem. Si vi-
derint in eo humilitatem cordis quibus etiam suffragetur
totus Conventus, nec renuat Prælatus facere cum eo
misericordiam, & si videbitur ei vapulet, ad pedes sin-
gulorum primo Prælati deinde utriusq; lateris sessorum
Talis quamdiu erit in Pænitentia non communicet nec
eat ad osculum pacis. Si Prædicator est Officium Præ-
dicatoris non exerceat nec vocetur ad aliquod Officium
in Ecclesia nec ulla ei committatur obedientia ante ple-
nariam satisfactionem. Si fuerit Sacerdos vel Diaconus
ijs Officijs non fungantur nisi postea Religiose conver-
sati fuerint. Si quis autem in peccatum carnis (quod
DEVS avertat) lapsus fuerit ipsum non solum supradicta
pænitentia sed gravius puniendū censemus. Si quis tale
quid extra Monasterium commiserit. Frater qui cum eo
est studeat excessum eius quam citius corrigendū Prælato
intimare. Correctus ad locū in quo tale quid cōmiserat
ulterius non redeat nisi Religiose conversatus fuerit quod
Generale vel Provinciale Capitulum illum ipsum cense-
at reversurum. Si vero peccatum tale occultum fuerit
disquisitione secreta secundum tempus & si Personam
condignam agat pænitentiam. Si quis autem peccaverit
& confiteri voluerit Socio suo illud cognoscenti Frater
Confessionem ejus non recipiat nisi tali conditione ut
cum opportunitas fuerit ipsum possit proclamare. Si
qui vero per conspirationem vel malitiosam concordiam
adversus Priorem vel Prælatos suos manifeste se erexerint
hi prædicto modo pæniteant & de cætero in omni vita

N

sua

sua extremum locum sui Ordinis teneant, & vocem in Capitulo nisi in sui accusationem non habeant, neq; eis obedientia aliqua injungatur. Si qui tamen Fratres non malitiose sed in veritate adversus suum Prælatum aliquid invenerint quod tolerari non decet nec potest prius eum inter se cum omni humilitate & charitate de sua correctione admoneant, quod si frequenter admonitus se corrigere neglexerit aut contempserit Priori Provinciali significetur vel Visitoribus cum ad eandem domum venerint visitandi causa manifestè indicetur & Definitoribus Capituli Generalis vel Provincialis significetur, aliter Prælatos suos subditi diffamare non præsumât. R2. PP. placet.

De Gravissima Culpa.

C A P I T V L V M XIII.

GRAVISSIMA culpa est, incorrigibilitas illius, qui nec culpas timet admittere; & pœnam recusat ferre. De quo Præceptum est Patris nostri AVGVSTINI: ut etiã, si ipse non abscesserit, de nostra Societate proiciatur, secundum Apostolum, qui Hæreticum hominem post correctionem adhibitam, & incorrigibilitatem patefactam devitare jubet; tanquam peccantem peccatum ad mortem, quia subversus est, qui huiusmodi est, hic etiam habitu exutus, & vestibus secularibus indutus exire compellendus est. Et ita sicut à corde professionem abiecit, Sic & accepta professionis insignia deponere cogatur.

tur. Si tamen usque ad horam illam sani corporis & in
regri sensus extiterit: Nemini vero sub qualibet occa-
sione est unquam danda licentia recedendi. Ne Ordo
& Canonica disciplina veniat in contemptum, dum ha-
bitus religionis Canonicae despicitur in indignis. Placet
Resp: Patres.

De Falsificatoribus Literarum.

CAPITVLVM XIV.

NVllus Frater literas aliquas Generalis Conventualis,
Provincialis, Prioris: vel alicujus Officialis nostri
Ordinis audeat destruere, aperire vel occultare. Si ali-
quis convictus fuerit, quod tale fecerit, per Menlem
pœnæ gravioris culpæ subiacere cogatur. Qui autem
literas; vel sigilla prædictorum falsificare præsumperit,
pœnæ gravioris culpæ duobus Mensibus subiaceat, &
ineligibilis per tres annos ad omne Officium nostri Or-
dinis permanebit. Eidem pœnæ subiaceat, qui indul-
gentias, vel Privilegia, aut instrumenta publica in fa-
vorem Ordinis; vel alicuius domus, seu Fratris, vel
cuiusq; personæ concessa destruere fuerit ausus, vel ali-
enare. Falsificationem autem intelligimus demere, vel
addere aliquid in literis, vel de literis: quod sensum;
vel tenorem literæ in aliquo commutet, seu aliquid fa-
cere contra intentionem illius, cuius in ipsis literis no-
men appositum est, vel Sigillum, vel signum. Placet.
Resp: PP. N₂ De

De Apostatis.

CAPITVLVM XV.

QVicumq; apostataverit: si infra quadraginta dies non redierit, depositis vestibus in Claustro nudus, cum virgis in Capitulum veniet; & prostratus culpam suam dicet, & humiliatus veniam petat: & quamdiu Prælati placuerit; pænis gravioris culpæ subiacebit: & in Capitulo nudum se præsentabit, semel in singulis septimanis intra hoc tempus pænitiæ ubique in Conventu novissimus erit; & duobus diebus in qualibet Septimana per annum jejunabit, in pane & aqua: & peracta pænitentia, nunquam ad Priorem locum redeat; nisi per Definitores cum eo Provincialis Capituli fuerit dispensatum: ita tamen, ut anni quibus in apostasia fuerit non computentur; & quantum ad locum attinet; sit sub omnibus illis, qui habeant plures annos in ordine quam ipse habuerat quando exivit. Quod si denuo fugerit, & iterum redierit, supradicto modo pæniteat, & priori anno secundus addatur. Si tertio, tertius. Si quarto, quartus. Omnibus tamen Fratribus pro huiusce modi pænitentibus, humiliter in Capitulo deprecantibus; Prælati, cum eorum pænitentiam perspexerit: eis indulgere vel remittere poterit. Secundum quod eius discretioni visum fuerit vel placitum. Si quis in Apostasia ordinatus fuerit; vel post excommunicationem divina præsumpserit celebrare in ea, executione Officij perpe-

tuo carebit: nisi fortè postea religiosè conversatus fuerit, ut cum eo autoritate sedis Apostolicæ dispensetur. Qui vero semel apostataverit, vel de lapsu carnis manifestè convictus fuerit, de cætero non prædicet, nec audiat Confessiones, nisi per Definidores, Generalis vel Provincialis Capituli fuerit restitutus. Placet Resp: Patres.

De Capitulo Quotidiano.

CAPITVLVM XVI.

Ingressis Fratribus Capitulum; Lector pronuntiet Lunam, & quæ de Calendario pronuntianda sunt; & Sacerdos prosequatur. Pretiosa in conspectu, &c. Deinde residentibus Fratribus Lector prænuntiet et lectionem de institutionibus, vel Sacra Scriptura pro tempore præmissa. Iube Domine benedicere; & Hebdomadarius subjungat benedictionem. Regularibus discipulis: Nos instruere dignetur Magister Cælestis, vel Divinum auxilium, pro tempore. Respon. Amen. Tunc legat Lector usque ad signum Præsidentis. Quo facto, dicat Legens: Tu autem Domine miserere nobis. R. Deo gratias. Deinde dicat qui tenet Capitulum: Benedicite. R. Dominus inclinet omnes. Deinde recitatis beneficiis, & dicto à Priore: Retribuere dignare omnibus nobis bona facientibus propter nomen tuum vitam æternam, Amen. Dictis etiam à Conventu Psalmis: Ad te levavi. & De profundis. &c. Kyrie eleison. &c. Pater noster. &c. additis etiam tribus versiculis: Scilicet

Oremus pro Domino Papa. &c. Salvos fac servos tuos.
&c. Requiescant in pace. R. Amen. Ab Hebdomada:
rio dicendum cum his tribus Collectis:

Oremus.

OMnipotens sempiterne DEVS, qui facis mirabilia
magna, solus prætende super Famulos tuos, & su-
per cunctos illis commissos Spiritum gratiæ Salutaris;
& ut in veritate tibi complacent: perpetuum eis rorem
tuæ benedictionis infunde.

DEVS omnium fidelium Pastor & Rector famulum
tuum N. quem Pastorem Ecclesiæ tuæ præesse voluisti
propitius respice: Da ei quæsumus verbo & exemplo
proficere, ut ad vitam una cum grege sibi credito per-
veniat sempiternam.

Prætende Domine famulis tuis, & famulabus tuis
dexteram cælestis auxiliij: ut te toto corde perquirant;
& quæ dignè postulant consequi mereantur. Per Chri-
stum Dominum. &c. Fidelium DEVS. &c. Resideant
Fratres. Tunc Prælatus poterit dicere breviter, si quid
ad honestum & correctionem viderit expedire. Post
hæc egrediantur Novitij: quibus egressis dicat qui præ-
est, ut aperiant culpas suas; qui se reos existimant.
Continuo, qui se reos intellexerint, prostrati veniam pe-
tant. Deinde surgentes, humiliter confiteantur culpas
suas; & quorum culpa talis est quæ digna est correctio-
ne: præparent se ad correctionem, quam Prior faciet,
vel ille cui ipse innuerit. In Capitulo vero Fratres: nisi
duabus

duabus ex causis non loquantur; sed culpas suas vel aliorum dicendo simpliciter. Et Prælatus suis tantum modo ad interroganda respondendo. Vno etiam stante, & loquente; alius non loquatur. Nullus faciat proclamationem super aliquem ex sola suspicione. Item nullus accuset de auditu; nisi dicat à quo audierit. Auditis vero culpis, similiter quisque caveat; ne malum quod auditur de alio alteri referat: nisi dicat à quo audierit. Auditis vero culpis dicitur. Psalm. Laudate Dominum omnes gentes. cum versu. Ostende nobis Domine Misericordiam tuam. &c. Dominus vobiscum. Oremus. Actiones nostras quæsumus Domine. &c. In fine dicat Prior. Adiutorium nostrum. &c. Et sic absolvuntur. Responderunt Patres: Placet.

Forma Absolutionis ab Excommunicatione majori.

Veniens ad Capitulum pœnitens denudatus cum disciplina manibus complexis genu flexus dicat coram Superiore humiliter Venerande Peter pœnitet me peccasse. Superior vero respondeat quid vis ut faciam tibi, Pœnitens vero dicat Pœnitentiam rogo. Post hæc faciat Superior ad pœnitentem sermonem brevem de gravitate peccati & necessitate pœnitentiæ. Quo finito pœnitens dicat Psalmum Deprofundis dicendo vero percutiat se ipsum (sive Superior) disciplina ad quemvis versum. Quo facto Superior surgat & supra pœnitentē dicat versus.

v. Sal-

V. Saluum fac Seruum tuum. R. Deus meus sperantem in te.
 V. Esto ei Dñe Turris fortitudinis. R. A facie inimici.
 V. Nihil proficiat inimicus in eo. R. Et Filius iniquitatis. &c.
 V. Domine exaudi Orat: &c. R. Et clamor meus. &c.
 V. Dominus Vobiscum. R. Et cum Spiritu tuo.

O R E M V S.

DEVS cui proprium est misereri semper & parcere
 suscipe deprecationem nostram, ut hunc Famulum
 tuum N. quem delictorum catena constringit misratio
 tuæ pietatis clementer absolvat. Per Dominu &c.

Deinde pænitens dicat Confiteor. Superior vero di-
 cat Indulgentiam &c.

Ego autoritate DEI Omnipotentis & Sanctorum
 Apostolorum ejus Petri & Pauli, & Sanctissimi Domini
 nostri Papæ N. mihi commissa absolvo te à vinculo ex-
 communicationis majoris vel minoris quam in curristi
 & à sententia Suspensionis & restituo te unitati Fratrum
 Nostorum & Sacramentis Ecclesiæ. In Nomine Patris
 ✠ & Filij ✠ & Spiritus ✠ Sancti, Amen.

Superior pro mensura delicti assignabit pænitentiam
 condignam pænitenti in quo illius conscientia oneratur.
 Quo facto pænitens omnes Fratres humili inclinatione
 & amplexu conciliet locumq; suum accipiat in futurumq;
 deteriora caveat.

Forma Absolutionis quando datur Indulgentia Plenaria.

Misereatur. &c. Indulgentiam. &c. Ego Autoritate
DEI

DEI Omnipotentis & Sanctorum Apostolorum Petri & Pauli & Sanctissimi Dñi Nostri Papæ N. tibi vel (vobis) concessa & mihi commissa absolvo te (vel vos) à vinculo Excommunicationis majoris vel minoris, si quam incurristi & à Sententia Suspensionis vel Interdicti & restituo te Vnitati Fratrum Nostrorum & Sanctorum Sacramentorum Ecclesiæ. In Nomine Patris, † & Filij, † & Spiritus † Sancti, Amen. Eadem Authoritate mihi concessa absolvo te ab omnibus peccatis tuis cum plenaria Indulgentia & remissione omnium peccatorum tuorum In Nomine Patris † & Filij † & Spiritus † S. Amen,

Forma Absolutionis Generalis Agonizantium.

Dominus Noster IESVS Christus per mèrita suæ Sacratissimæ Passionis te absolvat & gratiam suam tibi infundat, & Ego Authoritate ipsius ac Beatorum Apostolorum Petri & Pauli, & Summorum Pontificum mihi in hac parte commissa & tibi concessa absolvo te ab omni vinculo Excommunicationis majoris vel minoris & ab omni Sententia Suspensionis & Interdicti & dispenso tecum omni irregularitate si quam contraxisti & restituo te unioni & participationi, Fidelium, necnon Sanctorum Sacramentorum Ecclesiæ. Eadem Authoritate ego te absolvo ab omni transgressione votorum tui Ordinis, & Statutorum Papalium, Generalium, Provincialium, Custodialium, localium, Synodaliū quorumcunque. Ea-
O dem

dem Authoritate te absolvo ab omni Divino Officio male perfoluto Horis indebite transpositis & pratermissis. Item eadem Authoritate Ego te absolvo ab omnibus peccatis tuis, quibus contra DEVM fragilitate humanâ ignorantia vel malitia deliquisti, concedens tibi remissionem & Indulgentiam plenariam omnium peccatorum confessorum & cunctorum de quibus etiam non recordaris, aut oblitus fuisti, in quantum claves Ecclesiæ se extendunt. Item eadem Authoritate Ego te absolvo à panis Purgatorij, quas pro peccatis commissis, & delictis in hoc mundo perpetratis meruisti: restituendo te illi statui Innocentiæ in quo eras quando baptizatus fuisti. In Nomine Patris †

& Filij † & Spiritus † S.

A M E N.





C O N F I R M A T I O
C O N S T I T U T I O N V M
O R D I N I S F R A T R U M
S N C T Æ M A R I Æ

De Vrbe Demetri de Pænitentia BB. Martyrum:

S U B R E G U L A

S. A V G V S T I N I,

M I L I T A N T I U M.

FRANCISCVS SIMONETA Comes, DEI & Aposto-
licæ Sedis Gratia, Episcopus Fulginatensis, ac San-
ctissimi Domini nostri Pauli Divina providentia PAPÆ V.
ipsius Sanctæ Sedis ad *Serenissimum* SIGISMVNDVM
III. Poloniae & Sveciæ Regem, ipsumq; Poloniae Regnũ,
& Magnum Ducatum Lithvaniae cum facultatibus Legati
de latere Nuncius. *Venerabilibus* Priori, cæterisq; Fra-
tribus, tam Monasterij S. MARCI Cracoviensis quam
aliorum Monasteriorum Ordinis Beatorum Martyrum,
Sanctæ MARIE Demetri de Vrbe sub Regula S. AV-
GVSTINI militantibus: Salutem in Domino, & since-
ram Charitatem Legationis Nostræ Apostolicæ in hoc
Inclyto Poloniae Regno munus id potissimum requirit,
quod sollicitudinis Nostræ aciem eo dirigamus: & in Mo-
nasterijs, tam virorum quam Mulierum, cuiuscunque

Ordinis existant; nostræ Legationis subiectis recte, Sanctisq; vivatur. Legimus igitur diligentissimèq; consideravimus Constitutiones: sive ut vocant Regulam, quam in Capitulo Generali vestro Cracoviæ proxime celebrato, Vobis ipsis iussu nostro confecistis, ad laudabilem aliorum Religionum exemplum; & reperimus omnia, ut sapienter pieq; constituta: Sic vobis, si ea observaveritis conducibilia futura ac salutaria. Cum igitur nobis vestro omniū nomine in eodem Capitulo congregatorum humiliter supplicatum fuerit: ut sumptas Constitutiones omniaq; in eis contenta confirmare & approbare auctoritate Apostolica dignaremur. Nos qui iusta perentium vota suscipimus vobis libenter annuimus, vos omnes & singulos à quibuscvis excommunicationis, suspensionis & Interdicti: aliisq; Ecclesiasticis sententiis Censuris, & pænis, à jure vel ab homine, quavis occasione vel causa latis; Si quibus quomodolibet innodati existitis (dummodo in eis per annum non extiteritis) ad effectum præsentium, duntaxat consequendum harum seriè absolventes; & absolutos fore censentes. Hujusmodi supplicationibus inclinati, Auctoritate Apostolica Nobis concessa: & quam fungimur in hac parte, vigore nostrarum facultatum, ad quarum insertionem tenemur, supradictas Constitutiones: omniaq; & singula in eis contenta, à vobis omnibus & singulis in Capitulo prædicto, nobis & præsidentibus recepta, & approbata Confirmamus & approbamus, eisq; firmitatis Apostolicæ robur adiicimus, ac omnes & singulos: tam juris quam facti defectus; Si qui interve-

nerunt

nerunt, quomodolibet in eisdem, supplemus. Porro autem vos, & ceteros omnes Vestri Ordinis pro tempore existentes Fratres Hortamur in Domino & moneamus: ut præfatas Constitutiones firmiter atque inviolabiliter observetis, ad DEI Gloriam, Ordinis vestri dignitatem, animarumq; vestrarum salutem: donec aliud à Sanctissimo Domino Nostro habueritis in mandatis. In quorum fidem & testimonium, præsentis fieri, & per Notarium infra scriptum Curiae Nostræ subscribi mandavimus. Sigillq; Nostri iussimus, & fecimus apensione muniri. Datum Vilnæ in Monasterio RR. Patrum Bernardinorum loco nostræ solitæ residentiae. Die undecima Mensis Decembris. Millesimo Sexcentesimo Decimo. Pontificatus Prælibati Sanctissimi Domini Nostri. Anno Sexto.

FRANCISCUS SIMONETA
Episcopus Fulginatensis Nuncius Apost:

Tol: Bell: Aud:

To. DOMINICUS PESSIS.
Nott: & Act: de Man:




**CONFIRMATIO
CONSTITVTIONVM
*Per Sacram Rotam Cardinalium.***

SAcra Congregatio Cardinalium Negotijs Regularium præposita referente *Illustrissimo* Capha censuit, posse expediri Confirmationem petitam. Dum modo tamen ad Capitulum *3^{ium}* primæ par: dictarum Constitutionum sub Titulo de Confessione post illa verba. Etiam alterius Religionis, addatur. Approbatos tamen, ab Ordinario juxta dispositionem Sacri Concilij Tridentini Romæ Die 17. Iulij. A. D. 1612.

Antonius Corlis Saulius.



An: Hortensius Secretarius.



CONSTANTINVS FELICIANVS

IN SZANIAW T

S Z A N I A W S K I,

DEI & Apostolicæ Sedis Gratiâ Episcopus
Cracoviensis Dux Severiæ,

*Necnon Canonorum Regularium S. Mariæ Demetri ac
BB. MM. de Pœnitentiâ per Regnum Polonia, Bohemiæ
& M. D. Lithvania Præpositus Generalis.*

VNiverfis, & Singulis quorum interest, significamus,
quia nos visis & lectis introcontentis Constitutioni-
bus Fratrum Canonorum Regularium S. Mariæ De-
metri de Vrbe, BB. Martyrum de Pœnitentia, post Re-
gulam S. AVGVSTINI, quam profitentur, conscriptis
& per S. Congregationem Eminentissimorum Cardina-
lium negotijs Regularium præpositam, Sub Dat: Romæ
Die 17. Iulij, Anno D. 1612. ut in tuo monstratum est
Nobis Originali, approbatis, Eisdem Auctoritate nostrâ
Ordinariâ, & eâ, quâ vigore Prælationis Nostræ fungi-
mur, recognovimus, & quatenus ad usum & utilitatem
eam Religionem profitentium, tum & Regularem Ob-
servantiâ propagandam, & manutenendam, Typis man-
dari possint facultatem Concessimus. In quorum fidem
&c. Dat. Cracoviæ, die 1. Iunij. A. D. 1731.

CONSTANTINVS FELICIANVS

SZANIAWSKI, Episcp: Cracov:

(L.S.)

Cyprianus Langi U. J. D. in Eccl: Cath: Crac: Ar-
chidiaconatus Zavichosten: Coadju: Can: Sandom:
Cnrix suz Illust: Celsitudinis Aduarius, mp.

Missio Fratrum Romam
*Pro Approbatione Harum
Constitutionum.*

A. D. 1612. die 25. Mensis Aprilis.

N^Os Fr. ALBINVS ZVCHOWSKI, Pri-
or Generalis Ordinis Frâtrum de Pænitentia
BB. MM. S. MARIÆ Demetri de Vrbe sub
Regula S. AVGVSTINI Militantium Testamur
dedisse Librum hunc Regulæ & Constitutionum
Nostrarum Fratribus A D A M O Cracoviensi.
Actu Presbytero & DEMETRIO Accolyto ut
à Sancta Romana Ecclesia & Sede Apostolica,
Confirmationem efficacem, & in toto jure Privi-
legiorū. Ordo noster obtineat. Quibus ut Fides
adhibeatur. Sigillum Officij Nostri Apponi cu-
ravimus & manu Nostra subscripsimus Die &
Anno ut supra.

(L.S.)

Idem qui Supra
Fr. ALBINVS GENERALIS.



JULIUS II.

Servus Servorum D E I.

Ad perpetuam Rei memoriam.

Licet ea, quæ per Sedem Apostolicam concessa, & providè facta fuerunt plenam obtineant roboris firmitatem, non nunquam tamen Romanus Pontifex ea libenter approbat, ut eò firmiùs illibata persistant, quo magis suò fuerint præsidio communita, aliqua etiam de novo statuendo, prout in Domino conspiciit salubriter expedire. Sanè pro parte dilecti Fi-

lij *Ioannis* Prioris Ecclesiæ Sanctæ M A R I Æ De-
metri de Vrbe Ordinis Sancti *AVGVSTINI*, & eiusdem
Ordinis Generalis Nobis nuper exhibita petitio conti-
nebat, quod olim à Felicis recordationis BONIFACIO
Papa VIII. Prædecessore Nostro emanarunt Literæ te-
noris subsequens. BONIFACIUS Episcopus Servus Ser-
vorum DEI. Dilectis Filijs Priori Ecclesiæ Sanctæ MA-
RIÆ Demetri de Vrbe, & eiusdem Fratribus, tam
præsentibus quam futuris Regularem vitam professis,
in perpetuum Religiosam vitam eligentibus Apostolicū
convenit adesse præsidium, ne forte cujuslibet temeri-
tatis incursum eos à proposito revocet, aut robur quod
absit, Sacræ Religionis infringat. Ea propter Dilecti
in Domino Filij Vestris iustis postulationibus clementer
annuimus, & Ecclesiam Sanctæ MARIÆ Demetri de Vr-
be Abbatem propriam non habentem, sed per Priorem
solutum gubernari in qua Divino estis Obsequio mancipa-
ti sub Beati PETRI & Nostra protectione suscipimus, &
præsentis scripti Privilegio communim⁹. Inprimis liqui-
dem statuimus, ut Ordo Canonicus, qui secundum DE-
VM & Beati *AVGVSTINI* Regulam atq; Institutio-
nionem Fratrum de Poenitentia Beatorum Martyrum,
in eadem Ecclesia institutus esse dignoscitur perpetuis i-
bidem temporibus inviolabiliter observetur. Præterea
quascunq; Possessiones & quæcunq; Bona, eadem Eccle-
sia in præsentiarum iustè & Canonicè possidet, aut in-
futurum Concessione Pontificum, largitione Regum vel
Prin;

Principum, Oblatione Fidelium, seu alijs iustis modis præstante Domino poterit adipisci firma Vobis Vestrisq; Successoribus & illibata permaneant. In quibus hæc proprijs duximus exprimenda vocabulis. Locum ipsum in quo præfata Ecclesia sita est, cum omnibus pertinentijs suis S. MARIE & S. ELISABETH in Ailesphet, & S. PETRI de Insula Cuamen, cum domibus, terris, Vineis, possessionibus, & omnibus pertinentijs eorum. In Civitate Pragensi Ecclesiam S. CRVCIS, cum Domibus, terris, & omnibus pertinentijs suis in Dioecesi Pragensi. Ecclesiam S. BARTHOLOMÆI in Pordabij, cum S. ÆGIDII & S. VENCESLAI in Eläbinek, Capellis, Domibus, terris, pratis, & omnibus pertinentijs. In eadem Dioecesi Ecclesiam S. MARIE in Orlycz, cum Villis, terris, molendinis, aquis, pratis, siluis, & omnibus pertinentijs suis. In Civitate Cracoviensi Ecclesiam S. MARCI, cum omnibus pertinentijs suis. Et in Dioecesi Cracoviensi Ecclesiam S. MARGARETHÆ in Libichowa, cum terris, molendinis, aquis, pratis, siluis, & omnibus pertinentijs suis, & alias terras, possessiones, redditus, & quidquid Iuris prædictis Civitatibus & Dioecesi Ecclesia Vestra noscitur obtinere, cum terris, pratis, vineis, nemoribus, usuagijs, & pascuis, & in lusco & in plano in aquis, & molendinis, in vijs, & semitis, & in omnibus alijs libertatibus, & immunitatibus suis: sive novalium Vestrorum quæ proprijs sumptibus colitis, de quibus hactenus aliquis non percepit, sive Domorum animalium nu-

trimentis, nullus à Vobis Decimas exigere vel extorquere præsumat. Liceat quoq; Vobis Clericos vel Laicos liberos, & absolutos à sæculo fugientes, ad Conversionē recipere, & eos absq; Contradictione aliqua retinere. Prohibemus insuper, ut nulli Fratrum prædictorum post factam in Ecclesia Vestra professionem, fas sit sine Prioris Sui licentia, de eodem loco nisi arctioris Religionis obtentâ discedere, discedentem vero absq; Communi Literarum Vestrarum Cautione, nullus audeat retinere. Cum autem generale Interdictum terræ fuerit, liceat Vobis clausis januis, exclusis Excommunicatis, & interdictis, non pulsatis campanis, depressa voce Divina Officia celebrare, dū modo Causam nō dederitis interdicto. Chrisma vero, Oleum Sacrum, Consecrationes Altarium; seu Basilicarum Ordinationes Clericorum, qui ad Ordines promovendi fuerint à Dioecesano suscipietis Episcopo. Si quidem Catholicus fuerit & gratiam, & Communionem Sacrosanctæ Romanæ Sedis habuerit, & ea Vobis voluerit sine pravitate aliqua exhibere. Prohibemus insuper ut infra fines Parochiæ Vestræ si eam habetis, nullus sine assensu Dioecesani Episcopi & Vestro Capellam sive Oratorium de novo constituere audeat, salvis Privilegijs Romanorum Pontificum. Ad hæc novas & indebitas Exactiones ab Archi-Episcopis, Episcopis, Archi-Diaco-
nis, seu Decanis; alijsq; Omnibus Ecclesiasticis Sæcularibusve Personis, à Vobis omninò fieri prohibemus. Sepulturam quoq; ipsius loci liberam esse decernimus.

Vt

Vt eorum Devotioni & Extremæ Voluntati qui se illic
sepeliri deliberaverint, nisi fortè Excommunicati vel
Interdicti sint, aut publici Vſurarij nullus obſiſtat ſalva
tamen juſtitia illarum Eccleſiarum à quibus Corpora
mortuorum aſſumuntur. Decimas præterea & poſſeſſio-
nes ad lus Eccleſiarum Veſtrarum ſpectantes, quæ à Lai-
cis detinentur redimendi, & legitimè liberandi de mani-
bus eorum, & ad Eccleſias ad quas pertinent revocan-
di, ſit libera Vobis de noſtra Authoritate facultas. Obe-
unte vero Te nunc ejusdem loci Priore, vel Tuorum
quorumlibet Succeſſorum, nullus ibi qualibet ſurreptio-
nis aſtutiâ ſeu violentia præponatur, niſi quem Fratres
communi Conſenſu, vel eorum major pars Conſilij ſa-
nioris ſi ad eos duntaxat Prioris ſpectat Electio, ſecun-
dum D E V M & Beati *AVGVSTINI* Regulam pro-
viderit eligendum, Paci quoq; & tranquillitati Veſtræ
Paterna in poſterum ſollicitudine providere volentes,
Authoritate Apoſtolica prohibemus, ut intra Clauſuras
locorum, ſeu Grangiarum Veſtrarum nullus rapinam
ſeu furtum facere, ignem apponere, ſanguinem fun-
dere hominem temerè capere, vel interficere ſeu
violentiam audeat exercere. Præterea omnes Liber-
tates & Immunitates à Prædeceſſoribus Noſtris Roma-
nis Pontificibus Eccleſiæ Veſtræ Conceſſas, nec non
Libertates & Exemptiones Sæcularium Exactionum, à
Regibus & Principibus vel alijs Fidelibus rationabili-
ter Vobis indultas Authoritate Apoſtolicâ confirma-
(a3) mus,

mus, & præsentis scripti Privilegio communimus. De-
cernimus ergo ut nulli omnino hominum liceat præ-
fatam Ecclesiam temerè perturbare, aut ejus possessio-
nes auferre vel ablatas retinere, minimè seu quibus-
dam vexationibus fatigare, sed omnia integrè conserven-
tur. Eorum pro quorum gubernatione, ac iustenta-
tione concessa sunt usibus Omnimodis profutura salvâ
Sedis Apostolicæ & Diocesanorum Episcoporum Ca-
nonicâ justitiâ. Si qua igitur in futurum Ecclesiastica
Sæcularivè hanc nostræ Constitutionis Paginam sci-
ens contra eam temerè venire temptaverit secundò,
tertiò commonita nisi reatum suum congruâ satisfac-
tione correxerit, potestatis honorisq; sui careat digni-
tate, reumq; se iudicio existere de perpetrata iniqui-
tate cognoscat, & à Sacratissimo Corpore & San-
gvine D E I & Domini Redemptoris Nostri IESV
C H R I S T I aliena fiet, atq; in Extremo Exami-
ne districtæ subiaceat Vltioni. Cunctis autem eidem
loco sua iura servantibus sit Pax Domini Nostri IESV
CHRISTI, quatenus & hinc fructum bonum perci-
pian, & apud Districtum Iudicem præmia æternæ pa-
cis inveniant Amen, Amen. Datum Romæ apud
Sanctum P E T R V M per manum Magistri Petri de Pi-
perno Sanctæ Romanæ Ecclesiæ Vicecancellarium, ,
Decimo Octavo Calendæ Ianuarij, Indictione nonâ, In-
carnationis Dominicæ Annò millesimò ducentesimo nona-
gesimo quintò. Pontificatûs Nostri Primo Annò, prout

in.

in quodam transumpto dictarum Literarum. Cum Literæ Originales Præfati Bonifacij Prædecessoris propter antiquitatem temporis reperiri non valerent, continetur. Et sicut eadem petitio subijungebat licet si de dicta Ecclesia Beatæ M A R I Æ Demetri de Vrbe præterquam per dictum transumptum nulla penitus notitia habeatur, & locus ubi dicta Ecclesia fundata fuerat non reperitur, nihilominus ipse Generalis Prior præfati Ordinis in Partibus Poloniæ tam prædicta seu illorum maiorem Partem in dicto transumpto annotata & descripta quàm non nulla alia, bona, Ecclesias, Monasteria post dictas Literas pro præfato Ordine licitè acquisita quæ præsentibus sub proprijs vocabulis duximus nominanda. Videlicet Ecclesiam & Monasterium Sanctæ C R V C I S in Bystrzyca in Ducatu Lithvaniæ, Ecclesiam & Monasterium Sanctæ T R I N I T A T I S in Międniki, Ecclesiam & Monasterium Sanctæ T R I N I T A T I S in Twerecz Vilnensis Diocæsis, tùm dicto Ordini subiecta & ab obtinentibus ea obedientiam & reverentiam debitam, & devotam semper præstari obtinuit. Quare pro parte dicti Generalis Prioris asserentis, quod huiusmodi transumptum à tanto tempore citra cujus initij memoria non existit, in contrarium fuit pro Authentico observatum, quodq; etiam Ecclesiæ Monasteria & loca omnia prædicta, & Fratres illa Obtinentes, similiter eidem Generali Prio-


ri pro tempore existenti à decem viginti quinquaginta & centum annis, & per dictum tempus subiecta fuerunt, & illa Obtinentes sibi Obedientiam præstiterunt, & præstari consueverunt. Nobis fuit humiliter supplicatum ut dicto transumpto fidem adhibendam fore decernere, ac Omnibus & singulis in eo Contētis ac alijs præmissis Clausulis, & Concessionibus Apostolicæ Approbationis robur adijcere ut quod tam in prædicto transumpto descripta quam alia Monasteria, Ecclesiæ, & loca ut præmittitur nominata sicut hactenus dicto Generali subijei consueverunt, de cætero subiecta esse debere, & illa pro tempore Obtinentes sibi obedientiam præstare teneantur statuere & ordinare aliasq; in præmissis opportunè prævidere, de benignitate Apostolica dignaremur. Nos qui locorum piorum quorumlibet commodum & Vtilitatem sinceris desiderijs exoptamus, eorumq; decori & honestati nec non prædicti Prioris & pro tempore præfati Ordinis existentis Generalis quieti, & tranquillitati Paterna caritate consulere volentes, Ipsumque *Ioannem Modernum* Priorem Generalem à quibusvis Excommunicationis suspensionis, & Interdicti, alijsq; Ecclesiasticis sententijs, Censuris, & poenis à Iure vel ab homine quavis occasione vel Causâ latis, si quibus quomodo-libet innodatus existit ad effectum Præsentium duntaxat consequendum harum serie absolventes, & absolutum fore censentes, hujusmodi supplicationibus incli;

clinati Volumus & Apostolicâ auctoritate decernimus, de cætero perpetuis temporibus dicto transumpto plenam & indubiam fidem adhibendam fore & illud ab Omnibus pro Authentico haberi teneri & reputari debere, ac omnia & singula in dicto transumpto Contenta, quatenus sint, in usu dicta, Authoritate approbamus, & confirmamus ac perpetuæ firmitatis robur obtinere decernimus, ac quodq; tam in prædicto transumpto descripta, quam postmodum ut præfertur acquisita Ecclesiæ, Monasteria, & loca prædicta specificè nominata, prout hætenus dicti Ordinis Generali subijci consueverunt, ita de cætero perpetuis futuris temporibus subiecta esse. Quodque illa pro tempore obtinentes prædicto Ioanni moderno & pro tempore existenti dicti Ordinis Generali Priori obedientiam & reverentiam in perpetuum præstare debeant, statuimus & ordinamus per præsentés non obstantibus Constitutionibus & Ordinationibus Apostolicis ac Privilegijs & Indultis cujuscvis alterius Ordinis, etiam Iuramento Confirmatione Apostolicâ, vel quavis firmitate alia roboratis, Contrarijs quibuscunq;. Nulli ergo omnino hominum liceat hanc paginam Nostræ Absolutionis Voluntatis, Approbationis, Confirmationis Constitutionis, Statuti, & Ordinationis, infringere vel ei ausu temerario contraire. Si quis autem hoc attentare præsumplerit, Indignationē Omnipotentis D E I ac Beatorum PETRI & PAV-

LI Apostolorum ejus se noverit incursum. Datum
Romæ apud Sanctum P E T R V M Annô Incar-
nationis Dominicæ Millesimo Quingentesimo Septimo
Quinto Calend: Iunij Pontificatûs Nostri Annô Quarto.

*Lx A. Vujes. P. focno V. D. Phano.
p. planol. A. Cianadri Camillotus Ta
de Bosfis. M. de Gerardis A. Caldes.*

ET quia Ego ALBERTUS olim MATTHIÆ GORZKIE-
wic Public⁹ S. Autoritate Aplica Notari⁹, Præsentes
Copias cum suo vero Originali & Authentico in Parga-
meno scripto, non raso, non cancellato, sigillo plumbeo
in filo sericeo affixo, signum SS. PETRI & PAVLI Apo-
stolorum repræsésentanti communito, fideliter collatio-
navi, & de verbo ad verbum concordare feci, ideo præ-
sens Instrumentum, manu licet aliena, mihi tamen
bene nota subscripsi, signoq; nomine ac cogno-
mine meis proprijs quibus in talibus utor com-
munitum, dedi & extradidi rogatus & re-
quisitus Instrumentum.




Annô

67



A Nnô Domini 1722. Die 14. Martij, Præsentes Copias à præfato Notario cum suo Originali collationatas Fel: Record: Ssmi Dñi Nostri *IVLII II.* coram nobis **CONSTANTINO CASIMIRO BRZOSTOWSKI**, DEI, & Apostolicæ Sedis Gratiâ Episcopo Vilenſi productas, vidimus, legimus, ac easdem Typis mandari Authoritate quâ fungimur, tanquam Generalis Sac: Ord: Canon: Regul: BB. MM. de Pœnit: S. *MARIÆ* Demetri de Vrbe concedimus. Datum in Arce Werkovienſi Año Die Menſe quibus ſupra.

CONSTANTINVS CASIMIRVS BRZOSTOWSKI, Episcopus Vilenſis, Sac: Ord: Canon: Regul: BB. MM. de Pœnit: prout ſupra Generalis mpp.



Sanctus Iosephus Canonicus



CONSTANTINVS FELICIANVS

In SZANIAWY

SZANIAWSKI,

DEI, & Apostolicæ Sedis Gratiâ Episcopus Cra-
coviensis, Dux Severiæ, Totius Ordinis Cano-
nicorum Regularium B. Mariæ Demetri
de Vrbe BB. MM. de Pœnitentia

PRÆPOSITVS GENERALIS.

Universis & singulis quorû interest significamus, quia
Nos visô & lecto supra descripto Transumpto Li-
terarum Apostolicarum Fel: Record: IVLII Papæ II.
ex suo Originali, quod Nobis fuit præsentatum, exempli-
ficato, illud juxta suum tenorem, vim & obloquentiam,
Authoritate Nostra Ordinaria, & eâ quâ fungimur, reco-
gnovimus, ac ut Typis mandari possit facultatem con-
cessimus. In quorû fidem Datum Cracoviæ Die 15. Maij

1730.


CONSTANTINVS Episcopus Cracoviensis mpp.

(Locus † Sigilli.)



Humilis, pius, et prudens, quoniam confidit Deo, super omnia laus.

Biblioteka Jagiellońska



std:0026658

